

緣督廬日記抄

緣督廬日記抄卷四

丁亥九二戌至

長洲葉昌熾著

邑孫聖正新刻

丙戌正月

初一日立春 慈闈病漸有轉機惟祝入此歲來康強逢吉師
許來賀歲贈以孟鼎拓本一通此器藏滂喜齋尚書秘之甚
非至契不能得師許精篆刻余欲泐其鐫石印十八字此拓
所以先容也

初二日錄隋故主簿吳君墓志銘一通蓋篆書陽文志云君諱
嚴字長威家本安陵七世祖顏為趙郡太守封宋子侯遂為
宋子人祖曾魏鎮遠將軍并州西河郡丞父業版版幽州薊
縣令君開皇五年召為主簿大業二年十二月廿五日終于
家春秋六十有九以四年十月葬于趙郡東北廿五里建平

鄉夫人睦氏於先風燭八分書共廿五行行十八字

初三日建霞來述其外家華氏藏書甚富有名湛恩字紫屏者尤好事陸存齋所得北宋本白帖即其物毀後三子一筮仕浙中為縣令一為參將一家食俱不好古建霞曾見有元刻篆圖互注本六子羣雅隨意棄擲即扁閉者亦多飽蠹腹然向之或借或售則護持如頭目腦髓可謂書之一劫建霞又云崑山趙君靜涵名元益亦華氏甥有史載之方宋本售於顏家樓今藏書尚多能讀能守西塘橋蔡氏藏鈔本最多黃苑園士禮單疏即歸其家可以問津索價一葉一餅金初七日枕上作藏書偈曰無水火兵災無蟬蟻鼠劫永離一切苦如我佛所說治虜居士和南說偈擬以此廿八字鐫一方印再以青田石镌一無量壽佛像每書鈐此二印為書懺悔

又擬刻一印曰佛頂尊勝陀羅尼經堂佛字居中較大餘八字周圍刻作鏡式

初八日建霞招飲遍觀所藏古匱器及頤庭彝器拓本二冊錢乙生藏雁足燈拓本一幀舊抄明唐肅集一本有苑園跋清喜齋刻所未收者也借歸高深甫燕閨清賞牋一冊陳文述碧城仙館詩一冊

初九日東搃菽借知不足齋叢書三十冊搃菽以鄧州舍利塔拓本見貽隋仁壽二年立圖如鼓形夜讀韻石齋筆談有記王越石一則殆楊惺吾後身耶何其神似也又觀燕閨清賞牋有論藏書一則與屠赤水考槃餘事所記畧同二人同時不知誰為肱匡明人著述如此者甚多也

初十日訪翼甫見朝鮮史略康熙甲申郡先輩王觀受極手錄

有跋謂借自心友按心友何煌小山字也義門之弟又見虞
山人詩三卷元虞堪撰舊鈔本後有堪自跋題玉屏山小樵
世所傳堪詩祇有鼓柁稿一卷此本罕有知者矣又元宋旣
子虛翠寒集不分卷有顧肇聲讀書記朱印欄外上方左角
有善耕顧氏文房六字其家抄本也黃堯圃屢言得書於善
耕顧氏不知為誰今得其名氏洵一快事又林同孝詩影抄
本有查梅餘跋云此金陵黃氏千頃齋抄本己丑余客都下
曾於俞邵棠頭見之今歸玉峯季子甲午九月借抄畢附識
初白翁又前有兩行云臨安府柵北大街睦親坊南陳解元
宅書籍鋪刊行簿募訪環函以新刻史目表見贈

十一日東建霞送去古籍潤筆十金暇歸月河精舍叢抄吹網
錄鳴陂漁話無錫縣志舊抄丹崖集漳州可談宋刊近思錄

十二日得翼甫書抄示黃苑圖吳都文粹跋亦新刻所未收又太倉謝清泰惺蹙跋一首謝與宋賓王同時又元明刊篇韵四部將為校勘記故假之耳從唐仁齋購禪國山碑拓本頗精又齊宋敬業魯彥昌隋王輝兒宋開昌造像

十三日閱丹崖集明唐肅撰有危素宋濂戴良申屠衡四序天順間有刊本此舊鈔本土禮居舊藏今歸南錢州堂後有苑翁手跋云此鈔本唐丹崖集余藏之舊中之矣疑是影寫本頃訪同年友於琴川出所藏古籍相欣賞見有黑口板天順本丹崖集遂携歸手校一過麥中空格皆墨釘有題無詩處亦同鈔所誤者可據刻本正之行款間有與刻殊者當是鈔所改耳此寔照寫非影寫也余於元末明初人文集頗蓄黑口板今此集得友人藏本可以校正甚矣人之有同嗜也友

為誰張其姓變其名子扣其字堯友其別號也庚申冬季十有二日堯國黃丕烈識

十四日康吉為其母孺人求文卑不諱專作祭文一首

十六日訪培卿託寄鄭龔文書培卿以說文古稿補恒軒吉金錄玉鼎拓本見贈皆憲齋副憲物也

補錄翼夫抄示之吳都文粹跋

雍正十年歲次壬子太倉棘人謝浦泰惺虞氏手抄并校泣血識 在卷末

謝又跋云吳都文粹雖為蘇臺鄭虎臣之所集而實本於右湖范成大之吳郡志此書中所載詩文悉取於志初未嘗一字增損也向藏於吾婁吳西齋侍郎家奇貨可居凡抄者必求重貲始得而元本錯落謬誤顛倒闕失不啻萬萬處自宋

蔚如兄購得此書與錢方蔚兄細加校閱以王相國家藏宋本吳郡志及毛刻吳郡志參互考訂凡數十次遂成善本余於上年辛亥季冬臘日假得影抄而吾母抱微恙閱五日而痛終天神魄魂奪幾不欲生而此事遂寢至新春到館然後復理前事至花朝後十日而告竣書此以明石湖之手筆二蔚之苦心且以告世舊抄之不足珍也

黃堯翁跋云歟程易疇先生今之老宿也向為嘉定廣文後即辭官去平日著述甚富其餘事所及字體直逼唐人往往於親友家見之余去夏移居王洗馬巷思以舊宅舉耕堂扁其新廬而難其人塾師顧澗蘋謂余曰倘得程易疇先生書此最善惜離此較遠當遣人求之後聞先生已應孝廉方正之舉恐不在家故計議未決今茲二月十日錢竹汀先生過

舍談及欲拜遠客問何人則曰程易疇先生也余欣喜欲狂遂懇竹汀為之先容而余即偕潤蘋往謁拜求椽筆先生允吾請迅速揮之並蒙下訪以自製墨二挺為贈余因即取案頭吳郡文粹四冊報之蓋先生所讀曾無未見之書而此書多言吾吳故事先生還鄉之後未知相會何年展拳思之或如在乎江茂苑間也爰記數語於拳端以識其事時在 大清嘉慶二年二月望日古吳後學黃丕烈識

廿四日撰義莊楹聯曰三代以降維家法之窮庶幾古常棣孔懷行葦具邁八閭為聯如族師相受繼自今士食舊德農服先疇舅氏命也即面託希卿求常熟尚書筆

廿六日作戈孝子像贊孝子名宙襄字小蓮順卿先生父也府志有傳戈君順甫為孝子族姪從五百名賢祠拓得遺像介

新吾屬題閱一年矣始踐宿諾甚矣余之嬾也閱元遺山題跋毛氏家訓後題姓得河東元某斂衽書今斂衽字專為婦人所用不知何時始也

廿七日閱葉紹翁四朝聞見錄

廿九日得萬隱都門書促與計偕嗟夫犬馬齒三十八已及則逾四旬矣又何能為苟非甚不得已何為株守家術哉

三十日楊希三來拜其孫名先昌字允之願從余受業

二月

初一日楊生來告以治經當先家法兩漢隋唐儒林傳其門戶也錢警石勸人治國學紀聞張孝達勸人讀四庫提要皆可從

初二日為建輶跋抄本萍洲可談偽書也與說郭本祕笈本守

山閣本全不合朱熹宣和間人而書中所及有朱文公楊誠齋周益公事其為書估偽作以欺不學者無可疑奉端有徐健庵汪闌原藏印非偽為者二家亦為所蒙耳

初三日見碩庭言藏有鄭元祐偽吳集明初刻本建輟來云趙靜齋新刊叢書十餘種皆士禮藏本

初四日楊允之來論漢書儒林傳易有翟孟白之學孟字為衍文頗有理此子可教也

初五日唐仁齋以唐朝議郎行澤王府主簿上柱國梁府君并夫人唐氏墓誌銘見示筆意娟秀極似陸先妃碑石已亡可寶也又張少悌書經幢八幅趙子面所稱勝于蘇雲芝者去年在廠肆得一本拓之先後與此本同而每面佛像未拓又購定金剛經後附心經拓本中有武后所製字金輪時刻也

孫伯淵著錄

初六日午後至貢院前搜訪舊帙得黃省曾五岳山人集內缺一冊尚有殘本開元占經舊抄頓精字學津梁亦抄本卷帙甚巨亦有缺當是國初人著書未刻本然陋無足取

初八日霞舅述所藏有唐太宗畫蘭虞伯施題字有宋元人跋甚多奇物也又有錢舜舉畫人物陸揚身自常州來贈經幢八幅第一行一切如來白傘蓋大佛頂陀羅尼真言次行持進試鴻臚卿開府儀同三司肅國公食邑三千戶贈司空謚大辯正廣智大興善寺三藏沙門不空奉詔譯又有同句當功德王朝議郎下闕及處士楊口欽揚疑書經人也末幅後題大唐咸通二年歲次辛巳九月壬申朔十五日丙戌建句當人清河張元涉同句當人渤海吳宗又有助緣人吳筠等

言四
姓字書法圖勁絕似裴休唐幢中至精之品摩挲竟日感故人之既無已也

初九日訪唐仁齋見吳越王投龍銀簡拓本生經古案建霞正取第六曹揆一元忠首列申季徒師鄭兄也

初十日購五岳山人集七冊內缺廿一至廿四四卷

十二日王孟吾學使有續刊 皇清經解之舉歲考建霞得首列可謂破格拔人吾鄉後起庶幾知嚮學乎曹吳縣首列

十四日前日光福劉乙青名啟祥來受業年三十三矣

十九日得蒿隱書勸赴公車并為籌寫抹詞旨諄切可感可敬其如病母何

二十日訪建霞見其所得齊天保口年麤伏奴造像高五六寸又出其新得吉金拓本皆退樓恒軒物也間有藏旁喜齋者

又段歸隋淳于儉墓誌銘一紙據云東省新出土志云君諱儉字德素冀州清河人也春秋六十三卒妻武威孟氏以開皇八年合葬於磐陽城西南黃山東北孝水襄陵墓存焉同至考棚見申季孟午丁泳之丈在衡吟館見前秦鄧太尉祠碑及化度重摹本論直未諧

廿五日得孫汝民山左書為余搨得靈川經幢

廿六日閱明詩綜畢搜得藏書故實頗多

廿七日讀朱文恪湧幢小品有記王弼州書僕一則云明時吾郡三張與四皇甫名相埒三張者張鳳翼燕翼及獻翼幼于也幼于狂誕不羈郡志及列朝詩集小傳皆言其死於盜今考文恪所記云獻翼奪軍人蔣貴妻王二為妾嬖之張夜宴五鼓就寢蔣操刀伏山石中先殺張及王并客七人於是幼

予之死始得其詳郡志為之諱而牧翁又考之未審耳

廿八日讀抄本唐子西集已佚其半舊為朱竹垞馬寒中所藏
有潛采堂朱氏圖書記及馬思贊寒中諸印

三月

初一日王鳳章來購造像六種一孝昌二年比丘尼丘靜志等
一孝昌三年都維那張神龍等一建義元年王僧□一萬歲
通天貳年張□禮一僧演僧瑛等一許始王長等皆無年月
又天寶十一載董李生妻閻等造石浮圖記皆龔逆舊藏也
購而奔之以當一德格天閣之彝器

初二日得建霞書示書目一紙皆士禮舊物直六十三元

西溪叢語二卷舊抄本 有跋有印

逸老堂詩話二卷舊抄本 有跋有印

松屋隨筆一冊 復翁手抄 有跋有印

老學庵筆記三冊 顧黃二家校跋印記

鄭桐庵文集一冊 鄭子彙華山大師批 亮翁跋

雞窗叢話一冊 舊抄本 有跋

虎邱志 成化本 有跋有印

廿四日吳樹英來受業立三之姪

四月

初五日建霞來云在滄得沈西羅河朔訪碑圖手卷湯雨生潘絨庭丈皆有題跋又在龍門書院見拜經樓所藏書中有劉績霏雪錄又趙靜涵藏惠松屋日記一為先生手跡一則阮圖與其僕張泰合抄

初六日至漢貞閣購定唐東莞臧君夫人周氏墓志鄭準墓志

孟十一娘墓志據云石在甫里一民家孟誌余所見甚多皆摹本此其原石也

十一日閱儀顧堂集先哲痛飲紀文達時賢不滿趙忠節無是非之心者也聞其論學尤不喜嚴鐵橋先生是更蚍蜉撼大樹矣惟為王半山平反差為有識記化州橋一首以文為揭帖更以紀緬茄一首文之吾知此文出而浙東西之巨室欲得化州橋者羣聚雲川矣

十二日建霞來談云儀顧集前二卷攷證之文皆出於粵人果存齋購得之槧為己集之弁冕實亦不佳也昨得鄭愈書屬刻黎蔚安南志略錢竹汀校本

十三日讀經籍訪古志唐寫卷子本為上宋刻次之元明刻又次之海外瑯嬛令人神往

十五日致寄雲書屬從居停陳氏借得有學集一部闕五冊其
文取精用宏洵一代鉅手謝山全從此出而詆牧翁不忠不
孝違蒙之殺羿也錄出述古堂記千頃堂記西爽軒記陸勑
先詩序李貫之傳可備藏書故實者甚多曩所見宋刻新序
跋及天祿琳琅所載兩漢書跋皆在集中

十七日作治詩宜先治爾雅說一首示允之印若

十九日建霞來云慧琳音義上海姚君文棟從朝鮮得大字本
將付石印

二十日訪建霞出示沈西鵠河朔訪碑圖潘星齋丈所繪引首
五篆字黃壽鳳筆也湯兩生黃安濤周沐潤吾家十如老人
釋達受祖觀皆有詩又陳言夏手稿一冊皆為人代作祭文
注明代某某牧齋稼軒錢履之孫本芝居多

謝瀛士見示鄒乾一詩題詞詩集已亡惟存題詞共裝四冊皆手蹟也始于錢東澗最後一跋名舒不知何人也瀛士屬攷其爵里畝奴抄畵姑錄於此以俟異日

虞山錢謙益 牧齋 白文方印

里人吳偉業 吳偉業印 方白駿公 方朱文 吳昭代名 吳偉業字 偉業小傳

疏伯付太倉人明季禎
及第歷官宮詹學士國朝官祭酒

陳瑚
陳瑚私印
方白印文
確菴
方朱印文
言貼
夏代
號名
雖人
菴小
自傳
病陳
七瑚
十字

二潭漁父太倉人明崇禎壬午舉人門人私謚安道先生

鹽城宋曹射陵氏題於靈巖之天山閣時癸丑長至後五日

宋曹之印
方白印
射陵逸史
方朱印
始代一名人
邵小傳
號射陵
字

江南鹽城人明
宗禎時官中書

周迪吉 周迪吉原名肇 方朱文 子游 方朱文 子梅 梅村集有送周 子游詩注云周

學字子微太倉人著
有東園集淵字當誤

柳州曹爾堪 曹爾堪 方印 顧金 未文 方印 昭代古人小傳曹

廣浙江嘉善人順治壬
辰進士官侍講學士

甲辰秋予將脂車北上未謁陳廉屏年翁至止蕭寺緣表弟

沈旅表而得讀其師王蘭臺之文因蘭臺而得吳夫郭乾一

之詩之文吳興弓父嚴錫漫識 嚴錫之印 方印 跋園 未文

晉陵毛重倬 卓人 方印 武進合志毛重倬字卓人十歲

丁田憂服闋補太倉學正遷知浙江石門
縣以奏銷望誤降補江西贛州府經歷

建郭余懷 余懷之印 方印 澹心 印 朱文 方印 名入尺牘小傳

無懷引號繫持老
人楊建翁四人

梁穀錢肅潤題于問齋 錢印肅潤 朱文 待菴文白礎日 未

明詩綜小傳錢肅潤字礎日無錫人著
有十峯草堂集 有學集有與礎日書

黃石橋邊李煜書于繡虎軒中 李煜之印 白文 亮采 朱文

繡虎軒 白文 方印

同學弟王昊惟夏氏 王昊私印 白文 惟夏 方印 國朝詩

王惟夏太倉人康熙己未占試博學鴻詞以年老授官正字

同籍著有頤園集 梅村太倉十子詩序以王昊惟夏為第

六氓 葉文敏公集有寄王惟夏表叔詩王家有觀叔日酒

漫思君處中 有欲利船

苔水閣南仲湘人氏 澹庵印 朱文 在引首 李明整印 朱文 山顏

長水李明整山瀆氏 嘉興府志嘉興李明整字小商梅里人少著召

氏 白文 方印 社流寓閩橋順治三年開籍中式授古田教諭著

有樂志 堂詩集 沈全 沈全之印 白文 緋堂 朱文 聖代名人小傳沈

又號亮采華亭人順治壬辰第三

又及第官至禮部侍郎謚文恪

梁谿黃家舒 黃家舒印 方朱印 所謂伊人 方白印

西陵丁澎為圖氏 為圖朱印 方朱印 丁澎之印 方朱印 昭代名人 小傳丁澎

字飛鴻號為周浙江仁和人順治己未進士官禮部郎中工詩為西冷十子之一

白門弟映鍾 槩子印 在文編 鍾山一老 方朱印 伯紫 方白印

昭代名人尺牘小傳 映鍾字伯紫一字 方朱印

湘尹宋寶穎 宋印 寶穎 方白印 既庭 方白印 昭代名人小傳 宋寶穎字既庭

號湘甲長洲人順治庚子舉人興化教諭

雲間朱錦 朱錦之印 方白印 天襄 方朱印 上海志朱錦字天

永泰孫順治十六年會元 遜度吉士著有恭照堂集

翁樵秦保寅 秦樂天印 方朱印

蒼岷山人秦松齡 秦印 松齡 方白印 字留仙 方白印

甬上董道權 道權 方朱印 董異子 方白印

金俊明

不寐

方印 耿菴 朱文

瞻紫黃日華

文節子孫

朱文 黃印 日華 朱文

肅齋蔣埴

卧雲

朱文 引首

肅齋作圖 蔣埴之印 方印

三山黃晉良

黃晉良

朱文 方印

毘陵陳玉璣

陳玉璣印

方印 朱文 某峰 方印

武進合志 陳玉璣字 魯明 康熙

六年進士除中書科中書

雲間吳懋謙

吳懋謙印

方印 六益 朱文

明詩綜 吳懋謙

字六孟松江華亭人

朱伯虎評云

六孟集上之才託跡林泉

荒茅競蘇沈水白藏

松江府志

懋謙名醫中秀子與北地

自稱獨樹老丈家門人

私謚貞碩先生

名築獨樹園於東郊

各人尺牘小傳別

三山陳騞伯騞

瞿山弟梅清

瞿嗣清

方印 文 肅公 朱文 方印

仁和陳紹志 西湖陳紹志字達先 方印 白文 眉眉丈夫 方印 白文

四明姜宸英 姜宸英印 方印 白文 西溪 方印 白文 昭代名人小傳 西溪

號湛園慈溪人康熙丁丑第 三人及第授編修年已七十第

西泠孫治 孫治之印 方印 白文 宇台 方印 朱文

嚳邑王翊東皋氏題于師善堂 王翊之印 方印 白文 翰臣 方印 朱文

悔庵尤侗 尤侗之印 方印 朱文 字展成 方印 白文 昭代名人小傳 尤侗字同人小傳

字展成號悔庵又號良齋晚自號西堂 老人長洲人康熙己未舉鴻博授檢討

茂苑陳二酉 陳二酉印 方印 白文 秦逸 方印 朱文

吳門畏齋皇甫鈇 西川豪傑 長引首 方印 白文 皇甫鈇印 方印 白文 畏

齋 朱文 方印

吳門惠恕 惠恕 方印 白文 元龍 方印 朱文 昭代名人小傳 惠周惕

自號紅豆主人長洲人康熙辛未進士以庶常改密雲知縣

華亭計南陽

計南陽印

朱文印

松江府志計南陽字子山

國變後放浪山水間三娶無子

朱竹垞書先文恪公行書

諫六益書稱

計南陽子山

鹿城邱鍾仁

丘印鍾仁

方印文近夫方印文

崑山米用純

朱印用純

方印文致一方印文

昭代名人小傳

號柏廬竟山人私謚孝定先生

松陵顧樵

明詩綜小傳顧樵字樵水吳江人並新詩見增

集杜句

練川菊隱陸元輔題於小宛齋

陸元輔印方印文翼王方印文

昭代名人小傳陸元輔字翼王號菊隱江南嘉定人布衣薦試鴻博黃陶庵弟子

崑山葉奕苞

驚遷印

引首長方葉奕苞印方印文九來方印文

昭代名人小傳葉奕苞字九來崑山人監生薦試鴻博

村有題海虞孫子
長七十壽圖詩

舉進士天啟間有吳崇禎有吳隨思吳方思吳剛思
副貢萬曆丙午吳爾思崇禎癸酉吳職思崇禎間思貢有吳

芝田楊大鶴，楊大鶴，朱文芝田，朱文子武進，合志楊廷康。

道賢吳九思
吳九思印
方印
道賢
方印
朱文

吳江黃容叔九氏

九峰地相近也異中有兩龍一為諸子一為鄧子才名文
章不相上下諸子登第後隱於九峯松江府志諸子鄧字

乾一青浦人師事徐方廣順治十八年進士未暇試遭罹
起被作嗣耶東尚出貞夙有蜀山之願既歸廢蓋此泉石沒
年五十九奉 慈文類九華集漢上吟 一作 國朝諸嗣耶越臣著
梅村九華草堂歌為青溪諸乾一作 董舍尊鄉隔筆子
同年諸進士嗣耶好奇士集
室九奉間自號九奉主人

素園陸世恒 陸印世恒 方印文子裁 方印文

虞山丘園 丘園之印 方印文 海虞書范畧邱園字與雪東

鳥邱山人縱情詩酒尤善度曲僕而為吟歲寒松與馬影諸
傳奇寫山水澄墨濃重別自成家 吳梅村觀蜀嶠啼劇有
感持序云蜀嶠啼者邱子與雪為吾兄成都令志行作也志
行宦蜀身殉封疆 尤優成邱與雪遺像贊君善顏曲集圖
樂府吾和如
股紅牙畫鼓

吳門曹休 臣朱林私印 文白雲林 方印文 寄

雲間九峯弟張彥之 峭巖 松江府志藝文類張彥之沈侯著

及山及丹生山夫 明詩綜小傳及丹生字
形實一字山夫嘉善人

宣城曉原山人蔡瑤 蔡瑤 方印文 玉友 方印文

松陵沈永禮

臣禮

朱白文

醒公

方印

周南蕭應聘

鹽官陸嘉淑

父修氏

方印

姑代名人

小傳陸嘉淑字水

明嘉興府學生

茂苑蔣注

注

朱文

曙來

方印

東吳金行遠題於吳門寓舍

金行遠印

方印

道庶

朱文

嚶水張理原曜

張理之印

方印

原曜

朱文

雲間夏澄

臣澄

朱文

來王

方印

瑯琊葛筠東之氏

盱江湯來賀

湯來賀印

念平

皆白文

明詩綜小傳湯來賀字佐平南

豐人宗陶庚辰進士除揚州推官權刑科給事中改禮部主事仕至廣東布政使

竹西王賓

王賓

朱文

屈園

方印

黃周星九烟

明詩餘小傳黃周星字九烟上元人育於相

復姓有芻狗齋集 靜志居詩話九烟晚變名曰黃人字曰

畧以又號國庵又曰冰汰主人又曰笑倉道人年七十自沈

於水時五月五日也

松陵潘鏐

錦川席居中書撰

表餘介人 表綸私印 文白介人氏 方印 文皆

松江府志表餘字介人華亭人

居蕭塘明諸生著有雪草堂集王允承撰其閉門健戶風雅自娛日吟數章以當巖壑

雲間彭瑞世夢峴

彭印瑞世 方印 文 瑞軒 方印 文

雲間陳軾

陳軾 文白 韻聞 方印 文皆

松江府志選舉表康熙間貢生有陳軾詩圖建

專訓

古歙汪微遠

穀玉堂 文引首末汪微遠扶晨氏字栗亭 方印 文

謝華杰奈岡

朱文方印

邗州魯瀾桐門氏

魯瀾

方印文
桐門方印文

虞山蘇翔鳳

虞山蘇翔鳳印

文苞九氏方印
朱文皆

乾隆蘇州府志

蘇翔鳳字苞九父祖蔭順治壬辰進士
學古康熙壬戌登進士知沂水縣
半月連卒

歙浦吳度題於來錦閣

吳度之印

文白亦與氏方印
朱文皆

方兆璋

方印兆璋朱寶臣

方印文皆

戴茂隆雲間

雲間李延榮

南徐錢志進

錢志進

文白大士氏方印
朱文皆

十二硯齋汪懋麟

蛟門圖書

方印文汪懋麟印
方印文

朱竹

二硯齋不記中書舍人江都汪季角號宅宣武門之右第甚蕭然
其齋名不離君病卧夢入廣庭得石研十二枚
府而作歌因

蛟門江南江都人
康熙丁未進士刑部主事

八十二老人王育

王育

方印文莊谿

方印文

紅豆樹館
書畫記王

時敏溪山勝趣圖要東王
青題詩有王青石翁二印

同里王揆 昭代名人小傳王揆字端士太倉人時敏次子

梅村集有題王端士北海草又木
倉十子詩序以王揆端士為第二

王撰 王撰之印 昭代名人小傳王撰字

子監生有三餘集

忍菴黃與堅 黃與堅印 昭代名人小傳

號忍菴太倉人順治己亥進士康熙己未舉鴻博授編修升贊善有忍菴集

王德 王德 吳詩談藪太倉王德字虹

懸佩詩免悲王集帶別州

錢墨石尊氏 錢墨石尊 一字佩碑

邦上瑤房張元珙

舒 不喜姓鋪此

乾一求人題詞多由表重其作介按屠鑠品齊集有贈別重
其詩曰高飛鴻雁滿關河此日寒江起夕波庾信哀時常作
客梁鴻去國獨行歌霜清茂苑清砧急月照荒臺落葉多存
問吳中舊知己空山龍桂近如何邵志長洲縣人物表駿字
重其母節不能移乃徵海內詩文曰霜哺蒿多至數百軸凡
士大夫過吳門者無不知有表孝子也常於廟復有訪表
重其留宿山塘詩見海虞詩鈔

廿三日從師郵借聊城楊氏宋元本書目一冊具在山東時手
錄也後增朱子青結一廬書目錄如左

結一廬書目

宋板

周禮注疏五十卷

宋慶元間沈中書刊

三十六冊

春秋經傳集解三十卷

漢鄭玄注經傳集解三十卷
一圖二卷春秋年表一卷

皇朝編年備要三十卷 宋陳均編家
紹定間刊

三十二冊

通鑑紀事本末四十二卷 宋寶祐
間刊

三十冊

通鑑總類二十卷 宋袁樞撰
嘉定間刊

四十二冊

說苑二十卷 宋咸熙間刊

二十冊

皇朝仕學規範四十卷 宋張鑑編
淳熙間刊

十冊

六甲天元運氣鈴二卷 宋趙從古撰
宋刊

二冊

藝文類聚一百卷 宋紹興間刊

二十冊

翻譯名義集 宋釋法雲撰
紹興間刊

十四冊

西漢會要七十卷 宋嘉定間刊

二十冊

東漢會要四十卷 宋寶祐間刊

十六冊

唐風集三卷 北宋刊本

四冊

古雪先生文集二十五卷增錄一卷宋陳襄撰紹興間刊 十冊

又別一本刊本 八冊

友林乙素一卷宋史編鑑撰宋刊本 一冊

才調集十卷宋刊六卷以下抄補 五冊

花間集十卷宋紹興間刊 四冊

史記集解殘本一百一十三卷宋乾道間蔡夢錫刊 二十一冊

陸士龍集 五冊

元板

易齋啓蒙易傳四卷 三冊

周易參義十卷 六冊

春秋經傳句解殘口十二卷 五冊

諸四書統說八卷 八冊

六書正譌五卷

五冊

汲冢國書十卷

至元刊本

二冊

古今紀要

十冊

戰國策校注十卷

六冊

西漢詔令二十三卷

六冊

十七史纂古今通要十七卷

後集三卷

十二冊

黃氏日抄九十七卷

六十冊

理學類編八卷

至正刊本

六冊

農桑輯要七卷

延祐七年刊

四冊

雜經本義二卷

一冊

鍼灸資生經七卷

八冊

仁齋直指二十六卷

附錄七卷

六冊

風俗通義十卷

元刊大字本

五冊

齊東野語二十卷

六冊

釋氏稽古錄四卷

至正刊

四冊

注陸宣公奏議十五卷

至正刊

六冊

和靖先生詩集四卷

一冊

趙清獻公文集十六卷

家刊元印

六冊

簡齋詩集十六卷

四冊

香溪先生文集二十二卷

四冊

方是閒居小叢二卷

至順刊

二冊

漢泉漫稿十卷

二冊

廿四日至漢貞閣携歸拓本一冊造像古觀居多赤烏七年孫皓造像最古又西藏佛像背有梵字題記大唐永徽元年造

言
多寶佛塔大唐蘇常侍善同等共作印度佛像皆銘心精品也

廿五日從園嬌帖賈購真空寺經幢殘本一冊祇存末幅此幢唐大和六年八月十八日立撰書皆出張模手今模姓名不存當在第一面而拓本佚矣其幢在西安尚完好無恙也

五月

初一日 慈聞疾大漸舌塞氣促神煩不寐初三日小遺三次神識頓昏惟聞呼亡弟聲急進獨參湯氣息稍平方幸或有轉機而入夜煩躁愈甚初四日粒米不入口延至初六日卯刻竟棄不孝而長逝矣嗚呼痛哉從此長為無父無母之人矣不孝在都聞亡弟盡耗即知死者不可復生而老親思子悲懷必不能支是以隔暑奔歸冀為未雨之謀豈知

舊疾一發纏綿九月醫藥屢更毫無寸效不孝罪重罰酷僅
及一歲先失一子繼亡一弟終遭大變胡天不弔至於此極
於初六日申刻小歿初八日大歿六月廿二日設奠一日即
發引寄殯昌善局苦塊昏迷和血濡墨述其畧如右

六月

二十六日申季來持到市卿書並粵幕關書初卹亭閣學前月
簡放廣東學政介市卿格標殺及不佞同往襄校不佞叠遭
變故債臺高築勢難家食申季館况亦為齋蠟因皆允之卹
亭欲標殺至適先行而延陵一席尚未鮮鈴朝辭夕行不情
殊甚因致卹亭一書約兩人八月同行聞市卿得軍機

七月

初二日得質卿丈書以張石州烏齋集及蒙古游牧記見贈烏

齋先生歿於道光己酉為僕生之季其著述祁文瑞公為之上板今存公子子和尚書處尚書為余丙子監臨老師

初三日賦琴云新得劉懿墓志原石一紙據甯碑者云此石在某省一老嫗家有女相攸贊碑匠某某拓數百本并席卷其囊逸去由是姬衡若輩刺骨無論何人均不許到家拓碑而世間所有皆翻本矣記之亦異聞也得鄭盦文書粵行竟不芥蒂好士之衷良可感也得建霞書知同幕有程蒲生績溪人工詞章經學又往延無錫華若溪世芳工天算師郵表兄也

初五日香生自閩歸來談數季手札往還今始得見談目錄收藏之學了然於口大抵皆周季貺傳節子之緒論在閩收得越州石氏帖宋拓本翁蘇齋舊藏朱筆燦然滿上下方又聞

得舊抄精本甚多在風塵中誠非俗吏陳伯潛之彈章楊石泉之密考夫已氏之評騭皆目論也

初六日香生見示漢隸字源翁覃谿丁小雅合校本

十一日得希卿書知碑賈李某從房山涿州拓得經幢數十種
覓舊物常聚於所好豈不信哉香生來以嚴鐵橋校北堂書抄見示又云藏龔子敬集明俞貞本手抄

十二日申季來竟日談云家有舊拓雲麾碑亦登之亦不作三字與烏齋集所論合

十七日得敬甫書知先塋用事惟今年九月十六日明年正月十八日為宜過此兩日則須庚寅年矣行期尚可展緩而大數之後更無餘力舉此大事所謂飲首足形還葬懸棺而封亦第存此說而豈人子所忍出哉

十九日得申季書贈咸淳井闢詩記共八面一面題亭泉二大字一面刻記剝蝕甚據實鐵齋金石跋尾可識者惟首行城府城利娃鄉六字今並此六字不可辨矣四面刻詩云浚井無窮口良緣屬泗州境清因剝勝土厚得泉真超拔幽魂口刊題施姓留共資功德水法界永周流窮下一字似是澤字優字亦泐其半二面題名云咸淳戊辰佳山明叟立闢山惟一闢路景陽空口末一字韓履卿以為谷今諦視之未然此井在杉清橋南大街恭毅所居即在其傍小橋內也按蘇州府志泗州教寺在城西南隅報恩寺子院宋景定間賜額崇甯中改教寺詩云良緣屬泗州知惟一明叟皆泗州僧也又云境清因剝勝井必與寺相近今泗州寺尚存甚卑陋離井有數十家如今之民房當日皆梵宇也

二十日請惜抱軒四庫校錄書題香生藏本也乾隆中開四庫館惜抱預校錄之列此其擬進書題以提要勗之十僅采用二三惜抱學術與紀文達不同宜其鑒納也

二十一日得香生書見贈清白士集一部內關庭立紀聞又石刻五種一宋刻輞川圖第三幅上方刻原唱及裴迪和詩光緒三年莆田劉尚文嗜其遠祖宋將仕郎偉甫公墓得於壙內尚文有題識也又龍華寺經幢唐元和十三年七月三日龍華寺比丘尼立從祖弟朝議郎守都水使者上柱國同元撰記據記尼諱契義俗姓韋氏趙撫叔訪碑錄有龍華寺韋和尚墓志元和十三年七月從父弟同翔文嘉定瞿氏拓本以年月撰人證之韋和尚與契義必是一人趙錄又有尼義契墓志亦元和十三年在陝西咸寧不知義契是否即契義

誤倒未敢臆斷也又聞明龔用卿諸書記舊抄本舊為陳恭甫先生所藏今歸鄭生矣用卿嘉靖中以第一人及第官至南雍祭酒著有雲岡文集

二十二日香生西齋來香生云福州李氏覃谿弟子藏有拓本三巨冊皆覃谿物索值三百金惟記有天發神讖碑兩本他不知矣西齋新得魏劉懿墓志翻本魏字竟作魏字形肥鈍與原刻迥異也

二十三日香生所示錢叔寶手抄歷代隱逸傳為作一跋奇書也後有董子元贊董華亭人上海諸生亦明季藏書家也懸聲所備皆善本若以其書校今本史傳必有佳處字亦蕭遠絕俗入待詔之室也

二十四日得香生書送來盧忠愍臨黃庭殘本一冊李竹坡書

畫一冊宋拓越州石氏帖一冊舊拓宗聖侯孔美碑一冊有
郭蘭石跋即載之芳堅館集者也復得浚民書知為余覓得
泰安經幢琅邪書院經幢麟川經幢

二十五日香生所藏宋拓石氏帖舊為薛虞卿藏歸繆文子嘉
慶初元為鐵冶亭所得香生得之福州李氏其藏印有彥章
號榕園者翁氏門人也薛虞卿跋及覃谿諸跋並錄於左
右集二王虞褚小楷法書九種皆石刻之精者予嘗論晉唐
以來筆墨轉相傳撫失真彌遠是冊紙精墨妙不失古人遺
意且楷法俱備開卷閱之令人心曠神怡獲者珍重之薛明
益題

右集帖九種蓋合祕閣續帖與越州石氏帖而成之者文氏
停雲館所摹諸帖多祖於此後三種其蘭亭即所謂神龍本

也今惟四明天一閣石是豐道生刻於烏鎮者為海內名蹟
此則并無神龍印記而精彩更出其上尤可寶也後一黃庭
是從淳熙秘閣續帖第二卷出者唐文皇哀冊是米南宮臨
諸書此二種備觀可矣其精華則在前數種內若曹娥破邪
尤為妙品昔王虛舟謂越州石氏帖近於枯燥以予所見越
州石氏舊拓猶信虛舟之評不誣也此冊數種並不枯燥而
猶見精腴誠為希邁治亭宗伯精研晉唐諸家指法今復得
此舊拓善本萃於一冊茶半香初之室日日臨池奄有眾妙
可以傲未家虹月船矣嘉慶二年歲在丁巳秋九月廿有四
日北平翁方綱識

在冊尾

治亭宗伯得此帖子既為跋於後其明年予亦得此前八種
舊拓本復借此細對豪髮皆同信乎有墨緣也此冊後有薛

虞卿手跋薛虞卿明末人則此拓之在前無疑既喜吾二人
齋中同此鑒賞復為書於帖前戊午十一月五日方綱在冊首
此即歐陽公所云海字本也孫退谷雖知之而言之不詳惟
徐壇長通詳言之不知章簡父諸人負鑒賞之名何以略而
不言也方綱在樂毅論後

短行海字辨來遲眼力空嗟茅結之七十年前真影在絨衫
窗日擁爐時同

此樂毅論寶文氏傳雲帖所祖然傳雲與墨池同出秘閣而
仲玉始備傳之予於此重有感也戊午冬十一月七日展觀
題此同

此洛神十三行尚在杭本之上戊午冬十一月六日方綱識
在洛神賦後

此本以胡若思頤庵集及弇州月峯諸跋及孫伯觀碑帖跋
參合證之其為北宋建中靖國初年劉無言手摹楷本無疑
矣弇州伯觀皆誤讀頤庵跋不知西秦張氏所摹尚在劉無
言所摹之後百四十年也文休承所見項子京藏本即豐南
易刻於烏鎮者予今訪求其本初見之以為神龍本之冠今
細校之實在此本之下今日世傳諸臨蘭亭定當以此本為
第一戊午十一月六日方綱識

此神龍蘭亭遠在虛舟所見董玉虬本之上尤妙在前後無
貞觀神龍諸印□可以一掃陳蔡酒諸本之疑矣昔予嘗模
神龍蘭亭考一卷以詳辨之果能如此本又豈煩辨證為乎
即此一帖已是甲觀耳方綱識

扁鋒馬式孰良工懷字今看冀北空不借神龍書府印累然

羊簿出江東 昔米海岳嘗有懷字折筆轉側扁而見鋒之
言世傳褚臨語本此語久不可辨矣惟此本竟宛然有之故
賦此詩題於帖尾昔人稱劉無言謂江東又出羊簿者也戊
午十一月七日方綱上三則並在蘭亭後

二十八日得岷懷書並劉懿墓志原石拓本與翻迥異

二十九日致江筱渭書得復知柳門並不先考廣州準於八月
初二出棚試嘉應州次潮次惠次廣潮嘉去省皆千二百里
尋蹤而往人地生疏頗不易易若展期一月可在惠州相見
僅三百九十里當不難矣復擬舉行葬事但山窮水盡萬難
措資耳傷哉貧也一至此乎

八月

初一日致申季書告以將謀寔室又東新吾託其籌款

初二日得香生書贈水牛山磨厓佛經拓本又附到嶺南三大家詩冊江陰女子周禧畫山水冊舊拓禮器碑屬為題字禮器梁蔭都所藏本不過乾嘉間拓本耳

初三日香生來云自滬赴潮陽可由汕頭登岸不必至香港海程約近千餘里

初四日新吾來從清河籌得百番可明年返璧得中李書云汕頭離潮州府僅數十里即亭自省至潮轉須一月程嘉應考事廿日可畢如展期一月則正在潮州相見既舉葬事又省海程莫妙於此

初七日叔彥來竟日談為言近補正胡氏喪服正義百餘條又言婁縣張錫恭聞遠年二十四苦志幼學作父在為母服期辦兩漢廟制考皆博通可據

初九日藏書十餘種記印若覓售將以營養也

初十日作詩庭丈墓志銘代衛中丞

廿四日印若來屬其售去放翁全集汗簡唐六如集計英鈔十四枚泉七百七十

廿五日在寶墨齋購得殘經幢兩幅有至元三十一年皇慶元年題字余藏經幢至多然無元人刻得此足備一種又張少悌書經幢有八佛像前所得一本未拓也又司馬昇墓志銘司馬景和妻墓志銘唐高懷彥墓志銘荊州松滋縣令湯府君妻傷氏墓志銘梁天監隋開皇造像

九月

初二日得徐翰卿書為覓得拓本六十種金器居其三其餘皆古鏡古陶索值四枚余選十一種擬以一元得之刳器非不

稍僅有十許種不能成冊也又得仁齋書亦送至拓本一大冊共一百數十件金器皆精妙惜造像居其半皆魏以後物殊無謂矣

初七日訪徐翰卿見所藏拓本四五冊皆精絕復以朱鳳池記銷一冊見示索值六元共有金器四十種瓦當古鏡古泉五十餘種

初九日骨董朱鳳池來購定拓本一冊皆有秀水金蘭坡朱記十二日請存悔齋詩元龔璠子敬撰俞立庵手抄本香生所藏自木手跋云此詩元係永嘉朱先生抄本楨從先生游故假以錄寔至正五祀歲己酉也時楨年十五今倏過五載恍如舊夢歲月難留寸陰其可不惜深愧志不勝氣不能勇力以學撫琴輒成浩嘆謹書以深警毋待他日徒悔焉至正九年

歲己丑五月廿七日開封俞楠恐悚拜書又明張青父跋立
庵先生初名楨字貞木後以字行種學積文躬秉特操仕終
都昌縣丞以清節顯此其手錄龔子敬集云從永嘉朱先生
抄本翻出朱名石字伯賢有史學為後元大儒事具金華宋
景濂墓志中斯其人之賢蓋可見矣又按貞木跋尾錄于志
學之年而其留心風雅已如此固宜終身造就有以大過人
也伏讀不勝景仰張丑識續抄兩葉則為明朱性父筆黃苑
翁跋云此元人俞貞木手抄龔璘子敬詩一冊余得諸友人
張秋塘秋塘為青父後人有得於先世書畫舫之學故鑒別
獨精丁巳孟春月携是冊來曰此存悔齋詩數于真蹟日錄
因君嗜古故特以相示余開櫥視之覺古氣撲人眉宇余雖
未識貞木手跡然為元時抄本無疑遂留示塾師顧澗蘋亦

云舊抄無疑曾記家兄抱冲有此未知同否既因秋塘索值
昂姑還之而於是書源流究不能為之釋然遂徧檢各家書
目其浙江采輯遺書目錄有云龔子敬存悔齋詩有至正九
季俞楨後記今卷末有貞木跋其可信者一 國朝簡明書
目有云存悔齋詩龔璠撰補遺一卷明朱存理輯今原詩後
有續抄詩二葉字跡與所見存理手錄珊瑚木難野航雜抄
真跡合且卷首有信夫圖記其可信者二因向抱冲索觀蓋
汲古毛氏從是本傳錄者斧季跋語詳明其可信者三至是
書之來秋塘得諸蔣韵濤韵濤得諸碧鳳坊顧氏余聞顧氏
書目有兩部一為抱冲所收一為韵濤所得今借彼證此因
委求原其可信者四則是冊為存悔齋詩之祖本余得見之
誠為幸事矣通秋塘來告諸故其加欣賞以白金六兩易之

而是冊竟為讀未見書齋中物噫一詩集耳自元以來幾經
名人收貯而不能購得者又復轉相抄寫其真本豈易有邪
爰誌數語於餘紙以存顛末云時在大清嘉慶二年丁巳仲
春日杜日書於讀未見書齋苑園黃丕烈又跋云壬戌孟冬
月二十日新寒逼人夜坐太白樓下挑燈閱此其去收書之
歲月已越五載餘矣重閱舊跋始知誤書悔為晦者二處疏
忽殊可笑也此書真蹟外抱冲有一毛氏摹寫本然斧季云
之吳文定公龍書堂抄本想亦從此本錄出蓋此本有吳寬
印知為文定舊藏前跋未及因補誌之苑翁漫識又跋云壬
申仲春小盡日因觀張貞居詩彙真蹟出此元人錄本相證
時西賓陸拙生為余佐校讎之役共為欣賞拙生遠祖實為
性夫後人遂屬其書籤并集如甄度之與性夫主賓相得甚

歡也復翁

十四日 先慈靈輿下鄉諸弟提兒柩同行殯隨往

十五日丑初破土平明靈柩登岸隨即上灰計用五千斤

十六日午刻欽敬甫來即請靈柩登位是日午後踏三班

十七日踏五班午後來山轎至上方山老墳購定山地一區在

墓後直上起站南北深七丈東西廣三丈六尺計地四分價

洋四元歸途在梅壩井亭小憩有殊勝寺承傳記石刻臨壁

間明成化十年郡人陳琦撰張習書松陵楊倫篆額

十八日踏五班

十九日因粵行在即不能久留 先慈塋北尚有海漫七班即

託五叔岳康吉照料殯殮進城得申季函感冒新痊欲展

緩兩日廿三日首途適得郎亭建霞兩書知二十左右按臨

潮州約廿三四日始畢為期尚寬即復爾如約

二十三日已刻登舟待標發至即解維

二十五日已刻泊老關偕標發至集賢里天保棧運行李上岸
若溪已於廿三日先到醉六堂見元刻昌黎集抄本劉燕
庭海東金石志諸書刻羣賢小集莊刻淮南子以直昂未能
得

二十七日醉六堂書估來以三徑叢書與易石印文獻通考一
部鮑埼亭內外集一部日本刻羣書治要一部廖刻華陽國
志一部復初齋集一部毛詩古音考一部千覽亭碑錄一部
夜與標發談其家藏吳道子天神像一軸有宣和明昌諸印
及賈秋壑葫蘆悅生印又有黃大癡山水卷王叔畦跋
二十八日在衡吟館購經幢拓本無年月沙門懷英書祇有四

幅不全本也

十月

初三日得念劬書知國南船進口午後先飭僕下船即偕操戎若溪繼往周覽房間皆為捷足者先得僅存一間在機器房側偏仄不堪猶恐為人所據命僕坐守

初五日午刻展輪無風舟極穩

初六日過浙洋

初七日薄暮抵廈門洋面下旋

初八日黎明進口羣山環抱東為廈門西為鼓浪嶼偕操戎若溪登眺先至廈門人煙稠密土人皆以帕纏首屋高路狹不見天日行二里許無可駐足即歸舟飯操戎以遠鏡瞭望西首石壁有鼓浪洞天驚江第一八大字知有勝境復覓小艇

偕游登岸平坦行里許一神廟門前老榕兩株槎枒對峙即
其下小憩鼓勇登山至日光巖即所見題字處也上有蓮華
庵老僧淪茗餉客憑欄遠眺海天空濶岩壁鑿石圓球旭亭
記似乾隆間人又有近人題名鑿石為龕供大士像石梁有
萬歷庚戌重建題字石柱列一聯云浪擊龍宮鼓風敲梵剎
鐘極剝蝕下題橫口將軍書橫下一字不可辨略似海字疑
桑海之交海上諸帥所為也坐半時許循麓而下道傍有古
墓樹一碣云黃氏世祖墓有皇明萬歷庚戌字申刻歸舟風
甚猛潮又長小舟一葉汎乎中流頗有掀盪之勢

初九日申刻展輪出口風大作海水壁立

初十日黎明抵汕頭寓至安街廣泰來客棧午後入市海錯雜
陳腥風觸鼻真所謂鮑魚之肆夜蚊闐如雷支帳而後寐

十一日催六蓬船一艘午後放棹一路山水明秀如行吾鄉橫塘香水間亥刻泊

十二日黎明解維午後至一沙灘廣十餘畝其平如掌偕操葭等復登岸徘徊題名其上面刻抵湖州東關外湘子橋有津吏識察至西關泊上岸偕操葭若溪同進試院見卹亭學使同幕祁子從顧荅舫承阜程譽卿惟棋錢冠英皆同鄉又汪徽卿鴻棋介石鴻鈞皆學使之弟靖漢程蒲生東銘歛程履新杜昌章門王仲蘭仁照陽湖陸惕身爾昭趙叔垣侃江甯劉禹門翼程及建霞共十有三人

十三日學使出示因學紀聞似明初刻本有丁小山跋又金耿庵手抄各音月泉吟社河汾諸老詩合裝一冊精整秀雅首尾無一懈筆前有金侃白飛軒朱記其子亦陶先生也後有

堯國跋舊抄本李文饒集亦有黃跋又堯翁廣韻姓氏考一冊取廣韻所收姓氏彙而錄之雖無考釋然堯翁著述絕少所見古書錄又已散佚得此亦聊慰好古之心後有跋云道光壬午仲夏坊友以李子仙手臨顧澗蘋所錄惠松屋段若膺兩先生校定本廣韻示余謂新得諸子仙學徒蔣約人家驗其字跡果然臨本在嘉慶丁巳蓋在二十年前矣故書法不及近歲之工茲擇其與姓氏有證佐及廣韻向未載其姓者間補出一二摘錄于余所輯廣韻姓氏考上有云惠云者松屋先生說也不繫某某云者未知誰何其中載顧澗蘋說一條又載璣案寅案雖未詳其姓以同時人求之璣者費士璣也寅者同時有兩人名寅者一蔣寅一顧寅未敢定誰何耳福云者子仙也惟若膺說不見姓名或前所云不繫某某

者或段說耳段李皆作古人澗翁又交絕無可訪問矣堯夫
記

十四日建霞見示堯圃四跋據云皆趙靜庵物有跋無書以贈
希卿矣 余自購求書籍以來于宋刊毛詩傳箋附釋文本
凡五見而有其三一為顧氏小讀書堆本相傳為南宋光宗
時刻余未及借校友人鈕非石校於葛本上其佳處實多焉
一為毘陵周九松藏本一為此本一為小字本一為陳仲魚
本然已上四本皆有重言互注等附入非傳箋淨本也向聞
吳履堂家有宋版毛詩傳箋未之見心甚快快不過守此冊
為至寶小字本雖全未易駕而上之頃松江書籍舖以吳本
歸余取對此刻似勝即檢一條邨柏舟小序下柏木名此已
闕入箋文而吳本之柏木名以為舟也于傳下加圈以別之

且未脫以為舟也四字况無重言互注等安得不以吳本為
甲而此本遜居乙耶因增記于此小字本近歸三松堂潘氏
非余有矣癸酉立秋後十日下午弦復翁識 此殘宋本詩經
傳箋附釋文本余得諸己巳年鈔補于庚午年猶未及裝滿
也頃又得一小字本大同而小異合諸延令李氏書目所云
鄭箋陸德明釋文詩經二十卷八本之說正待其目又載監
本纂圖重言重意互注點校毛詩六本乃得此本之名是書
雖非李氏舊物而監本之名從此識矣監本亦非一刻余新
得者標題監本重言重意互注毛詩較此少纂圖字點校字
可知非一刻矣昔人聚書不妨兼收並蓄故得成大藏書家
余力萬不逮季氏之一而好實同之茲藏二刻居然相埒後
之得是書者殆將由百家一鑒之傳錄而沿流溯源乎喜而

書此以誌余言之非妄云。辛未初冬，復翁書於求古居。越月，
□季望後一日，裝成原收及裝潢抄補之費，共計百金。宋
刻監本纂圖重言重意互注毛詩，余于向季得之。郡故家內
原闕第五至第七計三卷，其時適有別本宋刻小板者，亦屬
殘本，而此三卷可配入，故並購之，擬重裝焉。因循未果。今歲
夏初，五柳主人從都中歸，携有全部宋刻本，行款正同，謂可
借以影抄補全。無如已許售海寧陳仲魚，遂轉向仲魚借之。
以了此願。鈔畢，復手校其誤。三卷中止誤一字，七卷六葉三
行淫誤為浮，竟改之。墨痕可驗也。嘉慶庚午秋八月朔，復翁
黃丕烈識。余即周文香嚴藏書甚富，與余最為莫逆。每請
假觀，必出書相示，或假歸，傳錄校讎，無有不遂。余所請者，惟
此職官分紀一書。余從錢少詹先生題跋中，知香嚴有此書。

乃往請觀而未許後因嘉禾友獲一殘本亦知香嚴有此書
並知余與香嚴為最稔浼余借抄往請而仍不果則此書之
珍秘可知今茲夏相遇于桃花塢中錢江會館少頃其僕携
一包書來詢之知從書賈處索歸者啟包視之乃即職官分
紀也問其直需番餅四十金時苦囊空越三月始獲之減去
四分之一拜良友之賜多 下闕

十五日讀復初齋集閱惠戴諸家無弗詆譏噫先生過矣此間
試院約經堂額鳳岡毓秀額皆先生視粵學時所題也花廳
有聯云拓地喜通三徑曲論文猶憶廿年前鏡河劉渚題聞
劉以翰林視粵學後二十季復來為守於此夜操殺談其家
藏有永思錄明天順間崑山顧恂者出為贊墾不見其母思
而作詩復徵名人題詠周復俊秦璫奚克生司馬璽沈度皆

有詩陳翔序金琮篆文引首蒲生談趙樞叔所編龍書共有
八集今刻成六集矣又云魏稼孫子需次江蘇續語堂碑錄
尚未刊成

十六日蒲生談稼孫間人有舊拓必請觀不允則請以所藏為
質再不允則長跪以請可謂癖好矣乃漢談其家藏宋刊中
興羣公吟稿殘本士禮居舊物有竹汀居士跋又云甘露華
氏藏宋本陸唐老通鑑嚴久能所藏也有其侍姬香修小印
郎亭學使前日云新為鄭奎文得宋刻梅花喜神譜亦苑圖
物即載之讀書敏求記者又北宋刻嘉祐集全刻政和本州
宋刻讀史蒙求計直七百余金此數種出自山左于氏余在都
時久聞書估居奇小珊廉生諸君欲購之俱不可得必欲俟
焚陽而後售今果償具願矣

十七日見師許所得洪盤洲集抄本後有蔣子宣跋是集世無足本竹垞翁所見亦僅有詩集此本八十卷猶為全帙子宣名重光號辛齋吾郡人所謂賜書樓蔣氏也

十九日大堂閒步有覃谿一聯云中和樂職能奏賦者千人憶昔拈題徵左海寒暑論文記賞心乎四序竟成到處有西湖二十一日午後偕操葭芻溪出署閒步先觀拓本快雪堂帖索二十金李北海麓山寺碑索七金無可問津復游書肆則楮架皆兔園冊子其招牌皆寫蘇書蘇尚無書何況效顰者乎二十二日午前偕操葭欲游金山書院未至而返午後下船一人一號檢視行李畢登岸上韓江亭縱眺枕山面水隔岸群峯如屏幃門外有梵宇摩厓不可識上鐫康墓田一聯云中流壁立撐天柱百道泉飛絡地維循級而登復有康登韓江

亭詩亦鐫於壁佛殿後砥柱二大字□清顏敏題猶想歸舟
開行十五里至鳳樓泊入夜風聲水聲澎湃不歇竟不得寐
二十三日黎明解維十里歸湖十里曲灣十里松水十里烏石
十里葛布山均有浮圖榜人即呼為葛布塔又十里陷隍泊
舟一路重巖峭壁青紫萬狀故鄉無此好湖山也

二十四日十里散溪十里朱坑十里轉水三十里高陂未至高
陂天色已暝泊於絕壁之下

二十五日十里宋公塘十里龍潭十里南坑十五里銀溪二十
里合口十里三河壩泊焉有浮圖三其一五級在山麓其二
皆三級一在山頂一在臨水近市處

二十六日十五里洋桃坪十五里水興十五里蓬萊灘皆大埔
縣界過此屬嘉應州矣兩崖陡出亂石如麻飛湍峻急舟逆

流而上以縶夫五人挽之灘有神廟榜人云學使必登岸祭而後渡又十里燕籍二十里松口自韓江解維所過皆危崖峭壁無尺寸平地至此山麓有平原豁然開朗市廛鄰比命僕上岸市鮮魚一尾未至松口里許有浮圖八級高聳天半遠望泥金鏤元魁塔三字如此佳山水看此俗物真不可耐二十七日十里銅盤波心碎石碁布船從石罅中曲折而過奔湍淙潺建瓴直下怵心駭目又二十里為巖村十里丙村十里鄭軍十里青草泊

二十八日至西洋山勢漸平坦去青草十里又十里張公渡又十五里抵嘉應州泊舟時饒亭午偕操殺子樅乃漢師許登岸小步進城由州署大街至學宮瞻仰兩廡東西立四石鐫忠孝廉節四大字筆勢飛舞其高等身宋文丞相筆 國朝

乾隆十五年知州事王之正模勒歸舟將曉黑矣土人荷擔皆以婦人往來不絕於道笠有檐帷以布為之

二十九日三十里羅衣十里新塘十里官塘泊漏三下矣

三十日十里水車二十里畚坑五里老鴉嘴為興甯縣界又二十五里興甯水口五里橫石五里紫高泊舟自嘉應州以下地勢益平夷即有山嶺亦無突兀之觀矣在興甯水口又見浮圖八級粵人篤信家言又重科名往往建塔以鎮風水又喜營佳兆絕壁千仞一塚陡懸未邀庇護之澤先受祭掃之歎愚矣聞通人如李石農學士亦注撼龍經也習俗移人賢者不免信矣夫

十一月

初一日天氣驟暖如吾鄉五月時開船極早二十里七都河口

過此為長樂縣界湖水淺僅沒踝爬沙而後行至晚僅行二十餘里泊爬沙者以木板長約三四尺濶七八寸有柄一人持柄推之板之兩端皆以索又七八人持索挽之所開水路僅通一舟各舟皆銜尾而進

初二日辰刻過轉水塘距七都河口三十里又三十里抵長樂縣城將二鼓矣

初三日二十里高沙十里清溪

初四日今日易舟而陸四鼓即起蓐食束裝黎明乘籃輿山行風甚厲五里噴水五里黃塘五里岐嶺十里藍關為龍川縣界嶺上有韓文公廟偕為溪入廟瞻仰壁間有嘉慶丁丑老隆分司趙慎修重修藍關道路記又朱塔藍關碑力言文公詩雪擁藍關即此地不當在藍田鑒空無據較之謝公年表

更無理矣又七里通衢在巡檢署飯客舫仲蘭建霞冠瀛皆以失道向隅又十里為兩口塘五里秦嶺亦以仰止文公名五里興龍庵十五里老龍復登舟舟大而華余與操棹若漢建霞同船是夜即泊於此

初五日 風大作寒甚辰刻開船水淺風急榜人不善駕駛行至午後前船皆不可即孤行可慮建霞作扎致惕身請後二鼓始以八人來竭力前行平明方與大隊合臨叟終夜不得交睫憊不可言自老隆十里為澗步十里龍川縣十五里虎頭岡河源縣界十里柳城十里將軍甲十里緒頭石十里大灣水十里枕頭石十里密洲十里學塘十里滿坑十里黃里十里清溪十里桂沙十里白馬十里上屯十里洪軍十里木溪十里古雲十里徐洞十里歌塘十里黃沙十五里河源縣十三

里黃寨十里新莊水十里黃泥窟十里雙頭十里藍田水口
十里小埔十里苦竹派十里牛牯口十五里扁布十五里秋
香水口十五里觀音閣歸善縣界十五里盤石十里摘榔塘十五
里赤勘二十里釣魚公十五里瘦狗隴十五里獨石十里天
罡園十里橫澧二十里馮亭十里水口井十里楓園十里草
鞋澧十里惠州府城是日一晝夜約行六十餘里

初六日泊大灣水

初七日泊洪軍

初八日午刻抵河源縣停棹片刻復行泊黃泥窟

初九日過摘榔塘泊

初十日行百四十里亥刻抵惠州府城上岸

十一日夜讀抱朴子外篇臣節篇有云儀蕭曹之指揮姜張陳

言四
三十一
之奇畫乃知少陵誅懷古跡詩指揮若定失蕭曹全本此東
澗箋尚未核他何論焉

十二日攷生童經古此間經古場分門別類經解詩賦性理算
學之外有史學韻學兵法海防駢體醫學令人目眩實則不
知天地為何物

二十三日論語子路有聞未之能行唯恐有聞孔注前所聞未
及行故恐後有聞而不得並行也即為集注所本攷昌黎知
名徵昔者子路唯恐有聞赫然千載德譽愈尊以聞為聲聞
之聞與孔不同

二十四日得希卿書又覓得經幢四十種從此連金十得五六
矣

二十五日見嘉應李麟平所著吳門集李曾知吾郡昭文縣以

里誤去故其詩頗涉吳中掌故又杜韓筆記兩冊皆請杜韓
兩集條記之文韓集似有闕

十二月

初一日辰刻偕操菽芍溪建徽同游豐湖書院從小西門出煙
水渺茫中亘兩隄如長虹約半里許自隄達院門前一聯云
人文古鄒魯山水小蓬瀛程鄉宋相筆掌教梁星海太史鼎
芬昨日自省歸向未識荆不便通謁即藏書處小憩架有沈
西雖常山貞石志畧一緡箬有本願寺五幢封崇臨濟開化
開業各寺經幢當屬張韶翁圖之旋至後面流覽有小閣俯
陟中繪東坡像望對岸浮圖高聳群山拱峙為湖中最勝處
湖心有亭翼然無舟不得登即循隄歸進大西門順途閱肆
見觀海樓刻蘇帖趙書金剛經午後登舟至黃昏行四十里

至博羅縣城外泊二鼓後復解維

初二日申刻泊石龍自惠郡至此已二百餘里矣有小火船停輪以待夜復行七十餘里

初三日午刻抵廣州府城泊即登岸進署與操殺同室

初四日在循州臨行為西嘉致梁星海一書達後欲以一面來通問其意頗殷勤舟中奴促未復茲又關防不便且俟新春矣梁君兩子同率以彈李傳相掛冠刻一印曰率二十七歲
罷官

初六日閱駢文奉皆斐然可觀與惠州霄壤矣

十一日閱經古廣試卷一馬從二馬皆以為衍文一卷列五證以駁題不知投壺前一句為衍文馬各直其算下又有一句非衍文也今之自命通人者不實事求是而強作解人大抵

如此豈獨粵人爲然哉

十二日閱香山卷文題爲卒之東郭有以卒爲齊人卒者有謂齊人之東郭爲訪棠姜而其妻嫁之者有謂孟子之東郭者又有以西南北作陪而云齊人何以不之南方見和仲不之北海見伯夷怪怪奇奇無所不有

十九日標發寒熱夜學使因東坡生日招飲談及李士叔在京師其自撰明聯云小學略通書數大隱不在山林

二十七日同鄉吳君受之來爲申李診脈午後偕建霞同出閒步先至雙門底在骨董鋪購古鏡一枚其文非篆非隸疑是遼金人國書又至華甯里書肆見粵東金石略及葉東卿刻王復齋鐘鼎款識許以二金尚不售

二十八日寶應劉佛卿部曹

嶽雲

來爲標發診脈

二十九日劉佛翁仍未診脈飯後訪篆香偕至雙門底閱肆無可寓目僅購紀文達公集一部知足齋集一部皆新刻也又登拱北樓觀銅壺元延祐刻字室暗如漆持炬照之亦不分明也旋至桂香街骨董鋪觀懷仁聖教序一冊尚是康熙間拓本有曾勉士藏印

三十日午後出歸德門珠璣屏貝連薨接字在途購古錢十枚又經幢八幅前有題字一行云□□□娘□小名和娘自身寫陀羅尼經一卷於□幢上鐫永充供養乞家口大小平安唐咸通六年□月廿六日下泐是刻筆法娟秀似智永師書唐碑惟石壁寺一種為女子書得此可與競爽又見古鏡一枚上刻十二字曰湖州石家□□□□無比照子當是宋時物又一藏鏡鐫梵文佛象甚精諧價未成

丁亥正月

初二日竟日雨寒甚可禦重裘讀研經老人集

初三日操數病已半月身熱不寐大腹脹張焦灼之至

初五日學使以三國志校本見示方柳橋所藏有顧千里印廣
圻審定朱記然校語筆跡皆不似澗翁贗品無疑

初六日夜卽亭招飲渭漁同席又見篆香同季云在家鄉時曾
以畫地圖至鄉邨農家以古靴作塙有延康八季字取完好
者數覽囊以歸所遺尚不知凡幾也吳興山中近出古靴甚
多皆為陸存齋所得千覽亭靴錄其所著也渭漁薦一帖賈
至署拓九曜石題名因持南海廟碑來字體圓勁質厚尚有
晉賢遺意宜為重谿所推許

初七日搨碑匠來在園中拓九曜石惜苦雨池溢羣石皆沒惟

一在院中者尚可拓耳廊下有蘇齊石刻余屬其每種拓一分

初九日操獲病無起色決計言旋夜助之束裝

初十日午後操獲首途臨別惘然夜蒲生來談越州有羅姓藏書畫至二萬軸人稱萬軸羅家其先為鹽商紀綱故士流屏不與齒趙撫叔獨竊摩之得偏觀其實爰撫叔畫訣由此大進

十四日讀學經室集有題汪容甫卷子述謝東墅之言曰汪中雖窮奇饕餮持札亦必拔貢蓋謝為學使人有毀汪者故作此言也謝君可謂愛才矣

十五日 皇上親政之辰學使停校射一日

十六日見彭紀羣昨日書知操獲不寐如舊又增脚腫

十七日拓得翁蘇齋九曜石歌墨刻結構酷摹永興廟堂碑神韻有餘適紫不足乃知翁書極精者皆其晚年筆也

十八日念操數不置今晚計可抵滬矣

十九日學使以山東課卷屬為選定將付梓人也

二十日拓得後九曜石歌尚有西齋跋亦蘇齋筆

二十一日蒲孫云江西毛慶蕃寶君癸酉孝廉博學能詩師鄭云在齊魯間見其題壁詩甚多得舊拓右軍帖一冊有朱筆釋文細審的是覃谿筆首有恭甫印聽雪煮茶亭子一印又有□谿一印上一字已蝕

二十三日閱山左觀風卷中有擬續山左金石志序羅列新出各種頗有可采節錄於此

張正諒 漢四神宜子孫鏡咸豐辛酉出濟南漢建武季買

山契石刻光緒初出黃縣晉郭休碑出道光乙亥魏鄭道昭中明壇題字出道光甲午五壇以備南門題字出光緒丙子得與北門壁合皆掖之古跡也而出於道光癸未者又有唐王慶碑

郭恩昭 續志所收之石在晉邑者十王廟東漢石刻外千佛山造像題名前山左金石志有七濟南金石志補其二為劉景茂造象宋叔敬造象後又得其二為開皇十年吳某造象開皇十五年女紅花等造象也又神通寺千佛崖造象題名前山左金石志十有八濟南金石志補其一為王懷賢妻鄭敬造象後又得其一為景龍元年僧無畏造象也一邑若此一郡可知而山左之全境更可知

孫大年 山左金石後出者如萊陽初氏所見錄十六卷編

內所載起周景寶化造外國厭勝凡千五百餘品東武劉氏清愛堂鐘鼎彝器款識所載已侯鍾等三十餘器並刊於道光初利津李氏古泉匯六十四卷刊於同治甲子編內方尖圓足空首諸布近千品列國刀七百餘品餘若圓法正品及厭勝變體刀布泉諸範奇文異製繁富夥矣又如嘉蔭移輯金石五千通所梓行者鼎鍾款識之外惟三巴晉古志一種其古泉苑一百一卷有圖無說長安獲古編嘉蔭移藏泉目及海東金石苑八卷備載全文惜皆剗剗未竟維陽陳氏璽齋金石之富甲於海內惟不甚藏泉所收及新莽而止古金惟鍾鐸為艱觀璽齋藏鐘至十餘器藏印家率以漢為斷得一秦印已為鉅寶而璽齋印譜數十卷就中周印四十四種及泥封百餘枚悉為歷來譜錄所無所藏凡三百餘出齊魯

者百八十餘亦半屬周秦故物宜同人之推為巨擘也一時
若東武鍾王氏無棣吳氏亦皆富於收藏者歙縣鮑氏觀古
閣叢稿泉說諸書俱載之詳矣

黃象斌 漢之庶孝禹碑出於沂水陽嘉陵碑出於曲阜擊
磬畫象出於嘉祥君車畫象出於臨淄晉郭休碑出於掖縣
魏高貞碑出於德州他如鞠彥雲並善至善誌晉太康末元
嘉等輒日新月異難更僕數天柱山焚陽鄭氏摩厓四十餘
種文達所錄不及其半李北海書靈巖寺碑藏寺洞中文達
第錄其文未見其碑

孫範	古方鉢	古圓鉢	古缺角鉢	父辛卣	子祖辛
尊	立瞿辛解	邢叔鍾	毛公鼎	召伯虎敦	齊大宰
歸父簠	臨菑齊都也齊之化範出焉壽元斟地也斟之鼎				

彝存焉他如卣子卣簋曼簋父簋卽伯鬲伯貞鬲匭侯盂周
室匱季尊中伯壺效卣美爵莫非三代法物漢金之尤著
者菑川鼎有器有益臨菑鼎篆象雲象雷雁足證則年紀綏和
小鐔登則宮藏焚陽土軍豆翠色欲流左闕鏐字畫古雅葆
調縣虎弩機類也而元初建初皆有可稽至若新始建國之
使幘陽泉使者之重盧亦屬漢器鏡印化布不勝指數藏弄
家有曰二百鏡齋者有曰萬印樓者有曰齊魯古印樓者有
曰初氏古泉譜者洋洋乎大觀也餅金金也徑不盈寸文皆
二字或曰郢爰或曰徂來玉印石也文曰純什姜趙曰更泥
封亦古鉢也文曰菑川王璽曰魯相曰高密相曰姑幕丞曰
琅琊司馬皆山左所自有者也

趙蔚坊

金如歷城出之太師鼎長山出之商父辛卣滕縣

出之伯愈殘璽壽張出之太保鼎蓬萊出之伯高觀皆其文
之至精者餘如諸城之璽平度之解高苑之鼎泰安之自之
類且不下數十種石則平原所出之河平三年碑字數較多
又鄒縣卧虎山出王莽天鳳三年石東漢則如魚臺鳧山出
食堂畫象題字又出永元殘石濟甯出永建五年石刻北朝
如陵縣出之王琬墓志黃縣出之鞠彥雲墓志皆其完整而
精美者唐宋以後更不可數計矣

郭育才 海豐吳子苾秘監諸城劉燕庭方伯李方赤方伯
利津李竹朋太守濰縣陳壽卿學士收藏最夥壽卿所蓄秦
漢印章萬計竹朋泉布甲海內皆金石家之大宗矣三代陶
器近所出至衆其銘字之著者有營邱昌陽茂里陶九字毛
詩子之還兮漢書引齊詩還作營或以此銘證還昌茂之皆

為地名知毛傳之誤此類較秦瓦漢戟其製尤古也 其末

擬諸書則即墨初頤園侍郎吉金錄孟都李南潤大令益都
金石志諸城劉氏嘉蔭翁金石苑李氏愛吾鼎齋金石拓本
海豐吳氏檣古錄蓬萊張香海廣文金石譜日照許印林孝
廉金石拾遺錄利津石泉書屋主人泉譜濰縣十鐘山房主
人金石陶器拓本秦漢印譜高叔餘司馬齊魯古印權福山
王蓮生太史六朝碑目雜錄郭懷書署正金石拓本黃縣丁
彝齋刻貢金石拓本

二十四日蒲生辨香龔定庵為言新刻定庵補編如東南罷書
船議潘吳淞江之碑鐵魏三篇皆大文也未曾刻入又論駢
文服膺王仲瞿則非鄙人所敢知也

二十七日從居停借極書隅錄一部聊城楊認卿太史記其父

至堂河帥所藏書也前有自序云先端勛公平生無他嗜一專於書所收數十萬卷度海原屬藏之屬伯言梅先生為之記別開書室曰宋存貯天水朝舊籍而以元本校本抄本附焉癸亥甲子間紹和里居撰海原閣書目咸復取宋元各本記其行式印章評跋管窺所及間附數語乙丑入翰林等筆鮮暇此事遂輟頃檢舊稿之已成者得若干種釐為四卷命為極書隅錄寫校既竣撫書遠想哀慕曷極同治己巳仲夏楊紹和彥合甫識是書未及付刊太史即歸道山建霞云其嗣君為丙子孝廉內閣中書性豪侈不能棄騎而以二百金購良馬俾奴子整控縱送以為樂又因載暮空匱以所藏明珠命奴子出售久之無問津者大怒即以賜其奴直千金不顧也

二十八日夜請知足齋集沈博絕麗不愧燕許手筆得蘇電標
致平安抵里病已大愈

二十九日借楊身耶頻伽詞挑燈讀之凡蘅夢詞二卷浮眉樓
詞二卷藏餘綺語二卷囊餘詞一卷仁和許邁徵新刊中多
與曹種水唱和之作種水禾人精校讎之學

二月

初一日夜閱持靜齋書目皆得之上海郁氏吾郡顧氏蕻海樓
蒲生言丹徒莊宗棧中白治毘陵莊劉之學著有易緯通義
精相術馬端愍之被戕宗棧先數日入謁出語人曰有死色
初三日至濠畔街閱肆建報欲購銅鼓索直三十金不成余購
得韋谿書金剛般若經一部共三十四葉價十二金又見王
祿之文壽承所書扇頭伊墨卿郭蘭石湯穀甫尺牘皆與陳

恭甫祿之書其自作過惠山聽松山館訪竹爐不值詩小楷精絕不讓雅宜山人也

初四日羊訊美刺史來篆香來出示昨所得翁書皆以為膺鼎也余於蘇齋書所見不下數十種如此冊五千餘言首尾精整又為八十四歲所書結構謹嚴已臻老境豈他人所能仿佛余初疑如此尤物其直尤廉不應流落市肆今而知為皮相者所棄也使早遇波斯其能為余所得乎得翁移研與余同室出琅邪書院石刻鉅野麟川書院經幢龍門造像見贈初五日夜郎亭出示簞齋金器拓本禮懺之精無與倫比自三代迄魏晉不下二百種惜挑燈匆促不能諦視

初六日渭漁聞余得翁冊亦決為偽且欲一觀余婉辭之自後當深藏篋笥不使蘇齋先生橫遭白眼也

初七日郎亭出示馬鳴寺碑及劉文清小楷二冊一雜錄唐人詩一奏稿有王叔畦跋

初八日得家書知申季病仍不愈

初九日讀楹書隅錄聊城楊氏記其所藏書也士禮居物居十之五皆自藝芸歸之其他則汪孟慈家物也當今惟鐵琴銅劍樓可與並峙而宋僅可為附庸餘皆自鄒以下耳

初十日出門閒步擬購新履一雙遍訪市肆皆絲履也即有布者亦以元緞緣口或深青楊赤色穿孝皆不可用因而留心途人竟無一衣篇者豈粵無三年喪乎噫異已

十一日學使出視舊抄書數十種皆微波榭物督學山左時所得

十二日清卿丈見貽字說一冊並以琿春勘界新立銅柱銘屬

題

十三日學使定期十九日出棚屬余留守選刻試牘避雷覆也
十五日得家書知操殺初八卯刻竟逝聞之悲痛不禁愴然淚
下吾郡又少一學人矣豈獨友生之感哉

十六日得西姦書亦痛心於操殺之歿不知為隱聞之將何以
為情也學使以惠潮廣三屬經古卷屬再披閱拔其尤者加
擬勛語咨送端溪書院

十七日得初七日家書知操殺未易責時猶以粵署臥室不吉
屬余遷移惓惓之誼良可深感作書銅柱銘後一首浚民題
詞亦余提刀

十九日學使登舟以帶粵書籍留作消遣計諸君行後即襍被
移住暢身室

二十日讀楊文安公集

二十二日夜手裝圭峰禪師塔銘

二十四日為居停檢理藏書見抄本青樓集士禮居藏本有苑
翁跋抄本陶南邨書史會要微波榭本抄本元安熙默庵集
范霖歲寒小稿皆瑣川吳氏本又元刻昌黎集丁卯集皆麻
沙本纂圖互注荀子事文類聚翰墨大全內缺一本抄本維
縣金石志郭麐撰未刻稿也又明刻陶淵明集戈小蓮校本
朱墨燦然夜閱陶亮鄉紅豆樹館書畫記偉如年文新刻
二十五日竟日檢書夜與韓詩孫丈談沈韵初遠事其金石之
學皆得之朱筱鵬廉訪咸豐中朱為川沙撫民同知格韵初
至署中又云沈所藏漢石經殘字舊為孫伯淵物今已歸香
嚴香嚴作古從此塵封不可問矣王先生碑世間無第二本

操歿舊藏後歸韵初以其直購杉漬橋宅操歿言之猶有餘憾

二十六日謁清卿中丞通示所藏彝器內外簽押房羅列幾滿又出示在秦中所得石墨以西夏國書碑唐楊智積墓志銘見贈又贈唐裴可久墓志文安縣主墓志銘比丘尼法燈法師墓志銘松資縣令湯府君妻傷氏墓志銘范陽縣令楊府君夫人韋氏墓志銘劉氏幼子阿遜墓志銘皆中丞藏石亦自秦中輦歸者也中丞將續輯關中金石記屬余任編纂之役

二十七日夜讀李客山在亭叢稿先生在乾隆初號能古文與沈歸愚惠仲孺諸先輩交其中有青芝山堂飲酒記為張艮思作吾郡藏書家有張位號青芝山人以艮思字義求之當

即位之字也

三十日作文一首祭操殺二十年故交一旦長離不自知其言之悲也

三月

初一日讀避暑錄話

初二日讀邵婦編

初三日讀齊東野語

初五日讀文昌雜錄元豐三年高麗國遣使柳洪副朴寅亮朝貢且獻日本國車一乘此車與今庵上東洋車製作當不殊又讀夢溪筆談云趙元昊叛其徒遇乞先創蕃書獨居一樓上累年方成至是獻之元昊乃改元制衣冠禮樂下令國中悉用蕃書清卿文所贈西夏國書碑即為遇乞所造無疑矣

其書取中國字形略變之亦有全相似者

初六日從西席汪潤翁處借春雨樓叢書略閱之寶應朱士端銓甫著已刊六種彊識編說文校定本宜祿堂收藏金石記讀書解義吉金樂石山房文集詩集未刊六種齊魯韓三家詩輯說文形聲疏證知退齋筆記

初七日清卿丈送來姜行本紀功碑拓本較舊所見者多碑側一行云道行軍總管左武衛將軍上柱國口城縣開國公牛進達領兵十五万共二十七字按華編著錄有二行此已脫其一矣

初九日憲齋中丞招飲觀所藏十二金符秦大魏權漢津管有篆文曰無射始建國元年癸酉朔日制又三代泉範秦詔版斗檢封皆甚精以天統三年張靜孺造像拓本見贈像下有

座砥方如軌三面周刻齊皇建二年佛弟子百餘人姓名其像即在憲齋處在山左所得

余於數年前有搜輯遼文之願茲見新刊張月霄金文最益怵怵欲動自後見有耶律氏片文隻字有可掇拾者即錄於每日之後

老學庵筆記二則

遼相李璟作黃菊賦獻其主耶律宏基宏基作詩題其後以賜之云昨日得卿黃菊賦碎翦金英填作句袖中猶覺有餘香冷落西風吹不去

卷四

仁宗皇帝慶歷中嘗賜遼使劉六符飛白書八字曰南北兩朝永通和好會六符知貢舉乃以兩朝永通和好為賦題而以南北兩朝永通和好為韻云出南朝皇帝御飛白書六符

言也
蓋為國畫策增歲賂者然其尊戴中國尚如此則盟好中絕
誠可惜也 卷七

松漠紀聞二則

渤海國有蘇扶等州縣與中國登州青州相值每大風順隱
隱聞鷄犬聲阿保機長子東丹王贊華封於此謂之人皇王
不得立鞅鞅嘗賦詩曰小山壓大山大山全無力羞見當鄉
人從此投外國遂自蘇乘筏浮海歸唐明宗善畫馬好經籍
猶以筏載行

大遼道宗朝有漢人講論語至北辰居所而眾星共之道宗
曰吾聞北極之下為中國此豈其地耶至夷狄之有君疾請
不敢講則又曰上世獯鬻獫狁蕩無禮法故謂之夷吾修文
物彬彬不異中華何嫌之有卒令講之

初十日昨在撫署花廳見前撫成格一聯甚佳補錄之云花石一庭是亦中人十家產軒牕四面可無廣廈萬間心午餐後得憲齋文書送來唐石刻四十分將屬余輯關中貞石志拓本有重分者並以輟贈

十二日清明韓丈約游花田南漢宮人葬地也今皆為花園奇卉異木足供流眺復至粵雅堂伍氏園林散步日昃始歸既錄遼文兼及西夏每一則

涑水紀聞四則

先是趙元昊每遣使奉表入貢不過稱教練使衣服禮容皆如牙吏竇元元年十二月丙郿延路奏元昊遣使戴金冠衣緋佩蹀躞奉表納旌節告教其表略曰臣祖宗本出帝胄當東晉之末運創後魏之初基業耆臣祖繼遵心知兵要手握

乾符大舉義旗悉降諸部臨河五郡不旋踵而得沿邊七州
悉差肩而克又曰臣父德明嗣奉世基勉從朝命真王之號
夙感于頒宣尺土之封顯蒙於割裂又曰稱王則不喜朝帝
乃是從輻輳屢期山呼齊舉伏願以一垓之土地建為萬乘
之邦家于時再讓靡羣情又迫事不得已順而行之遂以十
月十一日郊壇備禮為世祖謚始文本武興法建禮仁孝皇
帝國稱大夏年號天授禮法延祚伏望皇帝陛下睿哲成人
寬慈及物許以西郊之地冊為南面之君敢竭愚庸常歡
好魚來雁往任傳鄰國之音地久天長遠鎮西邊之患至誠
滌懇仰俟帝俞 卷九

周革曰景德中中國作誓書以授契丹其使者繼之以四言
曰孤雖不才敢遵誓約有渝此盟神明陞之慶歷中歲增給

二十萬更作誓書亦如之嘉祐初樞密院求誓書不獲又求
宣化軍疆境文字亦不獲于是韓維主曰樞密院國家戎事
之要今文書散落如此不可乃命大理寺丞周革編輯之數
年而畢成千餘卷得杜衍祁公手錄誓書一本于廢書其正
本不復見

慶歷中契丹以兵壓境欲復周世宗所取關南之地騰書中
國其言周世宗曰人神共怒杜稷不延其言太宗曰恃有征
之志已定并汾興無名之師直抵幽薊

元豐五年永洛既失守夏國以矢繫書射於環慶境上經略
使盧秉素之虜乃更遣所得俘因齎書移牒以遺秉素不敢
以聞其詞曰十一月八日夏國西南都統崑名濟遜謹裁書
致於安撫經略麾下伏審統戎方面久向英風應慎撫綏以

副傾注昨于兵役之際提戈相軋今以書問贊信非變化曲折之不同蓋各忠於所事不得不如此耳夫中國者禮義之所從出必動止猷為不失其正苟聽誣受間肆詐窮兵侵人之土疆殘人之黎庶是乖中國之體豈不為夷狄之羞哉昨朝廷暴驅甲兵大行侵討蓋天子與邊臣之議謂夏國方守先誓宜出不虞五路進兵一舉可定遂有去年靈州之役今秋永洛之戰較其勝負與前日之議為何如哉且中國祖宗之世于夏國非不經營之五路窮討之策既嘗施之矣諸邊肆挽之謀亦嘗用之矣知僥倖之無成故終歸樂天事人之道兼夏國提封一萬里帶甲數十萬西邊于闐作我歡隣北有大燕為我強援今與中國乘隙伺便角力競鬥雖十年豈得休息哉即念天民無辜被茲塗炭之苦孟子所謂未有好

殺能有志於天下也况夏國主上自朝廷見伐之後夙宵興
念謂自祖宗之世事中國之禮無或虧貢聘不敢怠而邊吏
幸功上聰致惑祖宗之盟既阻君臣之分不交豈不惜哉至
于魯國之憂不在顯史隋室之變生於揚威此皆明公得於
胸中不待言而後喻今天下倒垂之望正在英才何不進議
言關邪議使朝廷與夏國歡好如初生民重見太平豈獨夏
國之幸乃天下之幸也 宋史夏國傳涇原總管劉昌祚上
其書神宗俞答之與此作盧象異

十五日讀王明清揮麈錄記宋南渡時吾郡被兵之事甚詳憶
郡志記兵未嘗采入

十六日得此書欲為標殺刻遺文據云正誼課藝已刻未刻
共有三百餘篇可選十之九鄙見當痛汰之不妨去其半數

以多為貴而不知抉擇非所以愛操殺也又得康吉書知操殺身後蕭然殯斂之費皆其戚李彤伯任之叔壬欲求助於其及門而慷慨者十無一二其岳陸敷甫欲謀儒寡又欲輔以副啟並聞拓本書籍亦由陸君作主將出求售聞之悲慟操殺有知能無慟哭於地下乎

十八日得若溪書自陽春道中發迷坐船有三病進出不便一病也坐立俱難二病也醜婦作妍態三病也又云即日登陸如此炎蒸鄙人習靜斗室尚不能支況日日奔馳乎既自幸又自歎矣

十九日憲齋中丞處送來唐碑二十九種

二十一日請師博聞見後錄

二十三日中丞送來唐碑三十種

二十八日薄暮偕詩丈至大佛寺閒步殿宇閎麗一大精藍也
露臺棄置大礮十餘尊有嘉慶道光間經略督撫題名蓋當
時以禦西夷使有歐洲人過之能無匿笑

四月

初二日雨天氣驟寒可御重棉

初四日得憲齋文書送來手錄邠州大佛寺題名又毛鳳枝所
輯關中金石目五冊

初七日得西蠡香生二函知標段所藏碑版畫散遺書亦將出
矣皆由其婦翁為政叔壬不問也西蠡收得其穎井黃庭蘭
亭二種云欲俟其出而盡收之俟其孤長然後悉返之此舉
洵盛德事矣

初九日讀三國紀游金山周鵠聯有濂著番禺生員俞煥辰所

呈周隨孫文靖公入藏所紀山川阨塞風俗物產皆得之目
驗極為詳審又呈郭頻伽國志蒙拾一冊蓋仿杭大宗兩漢
書蒙拾而為之者此二種皆松江人著述不知何以入粵又
不知粵人何以進呈殊難索解

初十日羊辛楣來暢談為言粵省稅歛煩苛物價翔貴青菜一
斤需五十泉鷄蛋一枚需十二文前日憲齋中丞至虎門校
閱礮臺打靶亦是無準頭武備廢弛又不問可知矣昔人譏
殷深源云此輩祇宜束高閣非刻論也

十二日得憲齋文書魏魏造像五種又從碧琳瑯館借得隋唐
五代史三部午後偕詩丈至雙門底閒步歸請袁古田舍詩
徐榮鐵孫撰嶺南詩家黎二樵後一人也村小南海詩其子
清環道人著好談禪理在其家學為別派然脩然絕塵亦如

東坡之有斜川矣

十三日閱理氣溯源南海陳啟沅撰粵人篤信風水愚不可以
理喻此書雖不免推波助瀾然考證頗詳持論亦尚平正無
術士悠謬之談

十五日讀南海桂氏文燦遺著凡十種曰易大義補曰毛詩釋
地曰春秋列國疆域考曰孟子趙注考證曰考經集證曰羣
經補證曰經學提要曰說文部首句讀曰經學博采錄曰潛
心堂集桂為陳蘭甫弟子故其學謹嚴而少心得考其集中
有禹貢川澤考自序詩箋禮注異義考自序箴膏肓起廢疾
發墨守評自序子思子集解自序論語皇疏考證自序重輯
江氏論語集解自序四海記自叙則其所著尚不止於此

十七日岑寂無聊自書汪容甫自序一首於扇頭其所舉五異

堪以自況

二十八日憲齋中丞藏碑有湯府君墓志吳中物也錄於此

唐故湯府君墓誌銘 並序

君諱□其先范陽人也父湛之幼子也春秋六十四咸通六年十二月十二日亡以七年三月八日□吳縣骨□鄉先賢貢消桑宅地□□□□從等建塋禮也有子二人長師藏次從□女□人□劉氏恐後無憑刊塋于□其銘曰嗟乎湯君隨俄風燭一閉佳城千秋陵谷

右志高廣各一尺三寸二分有退樓手拓印

閏月

初二日叔明傳來張塘橋蔡氏書目頗有精槧錄於後

宋本巾箱五經十六冊 有華信之印

宋本周易本義四冊

海丰葉七行十及字有平陽汪氏藏書印汪士鍾讀書印陳仲魚圖象

宋本急就編兩冊

八行十九字有毛晉私印汲古閣藏朱記

宋本國語十二冊

十行廿字

宋本藝文類聚三十冊

十四行廿八字有錢樞印內缺五十二至五十八卷

宋本古今合璧事類備要八冊

宋本淮南鴻烈解十行十八字

元本淮南鴻烈解八冊

十行廿一字有歸承世印

元本纂圖互注揚子法言兩冊

有春農印白鷺洲人朱記

元本春秋經傳集解三十冊

十行廿字

元本春秋左傳句解十二冊

有孔廣居印孫爾準印平叔校印朱記

元刻胡注資治通鑑全部

目錄抄補十行廿字有高唐王府圖書印

元刻釋名四冊

八行十九字有虞山毛氏汲古閣收藏印陳

元刻集千家注杜工部詩二十四冊十二行二十字有毛印
文煥周印用錫晉蕃朱

元刻樂府詩集三十二冊十一行十九字有黃丕烈菴翁頓

舊抄開元占經三十六冊海甯楊芸士藏

明刻類江漫叟有金星細藏書印

鈔本說文解字均原槧本十六冊

抄本尚書古文疏證四冊 王鳴盛鳳喈藏

抄本五藩博乘四冊

抄本郡齋讀書志

汪刻原刻黃菴翁顧澗類李翰趾同校有

校殘本焦氏易林一冊有士廉石君士禮居藏朱記

藏 在東校國策四冊

明抄本觀象玩占十冊

精抄本方輿紀要七十冊

精抄本鄧國利病書百冊

明周孔教刻韓非子八冊

抄本東都事略十二冊 有朱板印

初十日得中丞書贈大歷十二年王楚賓造像拓本

十二日中丞送來拓本二十四種以于孝顯碑隆闢法師碑元思叡雲景嘉造像記見贈

十五日中丞又送來拓本三十種見贈唐宋碑五通以同官縣儀鳳三年造像為最精

十九日中丞招飲縱觀漢碑十餘通皆吳伯瑜物全幅通裝據云皆宋拓桂未谷舊藏皆有手跋有魯府圖書及敬德堂印當是明藩也史晨前後碑百石卒史碑最精魯峻韓仁次之

言已
若沈府君神道則直是百年內物耳

二十四日為人跋瓦當文字共十六種其文有曰蘭池宮當曰萬有憲曰都司空瓦曰長樂未央曰八風壽存當曰千秋萬歲曰億年無疆曰延年益壽曰長毋相忘曰長生未央一瓦十二字曰維天降靈延元萬年天下康寧惜一角剝缺三字矣一瓦作大衛字秦倣諸侯宮室此衛宮瓦也又四瓦為馬形鹿形飛廉朱鳥形

二十六日得鄭僉文書痛惜操殺之歿詢其遺稿蒼昊如求士呼空首薦賢此人真有此胸次

五月

初六日今日為 先慈小祥之日海濱乞食不能營一奠之禮孤兒無狀萬死莫贖得此懷書知操殺身後王益吾學使願

為咨送史館好在操筆者即係筱珊即不能得專傳南園校邠傳中或可增見也

十六日訪二秦言此間城隍廟祝每遇新太守履任必納萬金然後得充是役即署任者亦須數千金真駭聞也

十八日至雙門底在六雅齋書鋪見王文恪集趙子峒石墨鐫華譜直未成夜讀復初齋集

二十一日出署閒步見銅鼓一面索賈二十金又舊拓洛神賦索三金

二十二日袁遠珊來談知操殺歸里自知不起入門即大慟操殺豈畏死哉吾知其一慟時肝腸寸寸斷矣枕上悼操殺兼以自悼轉輾不能寐

二十三日至都府街訪袁遠珊携歸經幢五十八種萬隱所寄

也略一檢視皆遼金物在涿州涑水拓得非惟前人所未見即新修順天府志亦未著錄良友瓊瑤曷勝感泐

三十日至宜古齋購買贗碑四通又遼涿州涑鹿山雲居寺續秘藏石經塔記拓本余藏遼金幢百數十種不意南天亦有一鱗片爪甚可喜也

六月

初二日至黃鸞巷骨董鋪流覽有古鏡一枚橫刻長春鏡三字傍有七言二句宋元間物也又史晨後碑一本唐人題字尚清楚可辨勝於今拓本

初三日從先考寺拓得晉大康造像其文曰大康六年八月十六日東作使張揚刺生得小男口師留此上口樂師佛願亡過父母見在眷屬法界有情生生見佛世世聞法道心堅固

乃至菩提不墮惡趣

初四日中丞招飲出示宋拓薛尚功鐘鼎彝器款識冊沈約初
舊物也有覃溪跋又何伯璩舊拓漢碑十餘通以武梁祠畫
象為最精其籤題唐榻則竹垞翁之故智未必然也其次天
璽紀功碑李孟初神祠記谷朗碑皆勝於今拓本安陽殘刻
五種亦清朗可喜各碑多有桂末谷跋及洪稚存武虛谷諸
人題審其字蹟不盡可信

初六日夜讀王惕夫淵雅堂集

十七日仁齋寄示石刻二種一為元魏時刻經一為唐經幢皆
無年月適為漢建霞啟行即託帶一函覆之

留唐幢
還總石

十八日閱戴文節古泉叢話鮑子年觀古閣泉說
二十二日閱陳碩甫太乙舟文集桐城派也

二十三日得希卿函見贈蒙古游牧記一部魏高洛周造像連陰側共四紙又云盛伯希祭酒覓人至朝鮮拓碑即託順道訪鯉幢良友深情感何如之

二十四日讀憲齋中丞所著彝器釋文考齊侯壺釋為齊侯壺其他亦多新義

二十五日讀朱笥河集槃陀老人難為弟矣

二十六日作桂氏遺書序一首代卽亭

二十八日作李恢垣漢西域圖考序亦代卽亭也

二十九日夜讀沈麟卿嘉樹山房集有與惜抱二書極推服蓋私淑桐城者也

七月

初一日鱸卿有士禮居藏書後記士禮居祭書記目錄之學子全

不知者也

憲齊齊侯壺釋文

齊侯□□喪其都齊侯命太子□□告來敬宗伯聽命于天子曰甚則爾甚余不其事女□□遷□錫御爾其躋受御齊侯拜嘉命于上天子用璧玉備二于大舞韶誓於大韶命用璧兩壺八鼎于南宮子用璧二備玉二韶鼓鐘□躋洹子孟姜喪其人民都邑董宴無用從爾大樂用鑄爾羞銅用御天子之事洹子孟姜喪其人民都邑董宴無用從爾大樂用鑄爾羞銅用御天子之事洹子孟姜此二十九字原文重複用乞嘉命用斬眉壽萬年無疆用御爾事

右阮氏藏器文一百六十七字不可識者八字

齊侯女

當讀

□□喪其都齊侯命太子□□敬宗伯聽命

于天子曰簋則爾簋余不其事口受口通口口御爾其登即
受御齊侯拜嘉命上天子用璧玉備一嗣于大舞嗣誓于大
嗣命用璧兩壺八鼎于南宮子用璧二備玉二嗣鼓鍾一肆
齊侯既躋洹子孟姜喪其人民都邑董宴無用從爾大樂用
鑄爾羞銅用御天子之事洹子孟姜用气嘉命用新眉壽萬
年無疆用御爾事

右曹氏藏器文一百四十二字不可識者九字

是器舊釋為齊侯壺非也以器之形制言之則壺也首行
象則齊侯名也文之可讀者曰喪其都喪其人民都邑紀齊
侯失國之事也曰齊侯拜嘉命曰齊侯既躋洹子孟姜似陳
氏篡位之詞也曰簋則爾簋余否其事則不然之詞也天子
不以為可而曰爾其躋受御迫于不得已之舉非周王之本

意也用璧備玉兩壺八鼎鼓鍾政以賄成也曰覲宴無用廢
立之飾詞也曰從爾大樂僭用韶樂假君命也詞意之牽強
名不正言不順也文字之草率重複似倉猝之制作也合兩
壺觀之文多可識惟基字不見於經典當即基字說文基忌
也周書曰上不基於凶德又心部基毒也左氏定四年傳基
間王室此云基則爾基似兼忌與毒之意周禮宗伯以九儀
之命正邦國之位七命賜國八命作牧九命作伯皆宗伯所
掌陳氏欲廢立其君故必先告宗伯也大舞即大司樂所教
之六舞或當時大司樂之通稱也嗣誓即司盟掌盟載之具
大嗣命即典命之職陳氏有僭用韶樂之志故賂大司樂也
邦國有疑司盟掌其盟約故賂嗣誓也上公九命侯伯七命
皆典命掌之故又賂大嗣命也南宮子不可考其為陳氏納

賄請命之人歟

初二日夜與韓文談云顧南雅通政有日記六冊在謝綏之處必有可觀也又云幼時嘗見孫月坡麟趾年七十餘矣孑然一身居小顯子巷中與其家相近每過從必于夜乃去閤人憾之呼為孫半夜庚申之難以詩詞叢稿高尺餘付文及憲齋中丞曰以此為託後竟失之至今以為恨也

初四日得岐懷書云標歿王先生碑為仁齋所竊以售於香巖覓哉此言也此碑由叔壬為政以歸沈韵初韵初歿後其家以歸香巖標歿親為余言之當時與此碑同出者尚有數種皆精品於仁齋乎何尤

初五日得憲齋文書屬編關中金石欲不錄全文無可考者但書在某縣某地何年何月何人所書如此則成書較易亦一

法也

初六日得嵩隱都中函慫慂圖首箱餐真知我之言也廿載依人杜工部所謂殘羹與冷炙到處潛悲辛飽嘗此味若得一教官可以保全廉耻課子著書計無逾於此者又云為余續得經幢十餘種源源不窮可感可喜

初八日悶坐裏操殺不置並自悼身世汪容甫自叙真一字一淚也

初九日造中丞署面商著錄凡例其意仍欲錄全文出示所藏刀幣古錢有東周濟陰甘丹錢各一枚甘丹湟金安藏幣若干枚即墨刀蟻鼻錢尤多

初十日得新吾函為余覓得正定解慧寺經幢元氏開業寺經幢

十二日作關隴金石志凡例三十則

十四日前在憲齋處見圖首圓足幣作𠄎字者茲請觀古閣藏稿胡石查釋為蘭字蘭地名戰國時屬趙國策攻趙取蘭石祁是也說文大部𠄎字下云大兒从𠄎省聲讀若羴徐音良刃切佳部閭字下云今閭段云似鴝鵒而黃从佳从𠄎省聲徐音亦良刃切門部𠄎字下云从門从二古文下字讀若軍隄之隄是閔閭二字俱从𠄎省聲義異音同趙地名閭其取義不可詳要必古文作𠄎小篆隸又變作閭至蘭則俗字耳此幣作𠄎又作𠄎其中乃大字非次字其門上之一畫即从𠄎之二尤足為說文从𠄎之證此古文之僅存者古幣有𠄎字學如此

十五日錄逸人賈居士碑其後范岷題額一行粹編脫去又武

聖述聖紀粹編著錄僅三之一蓋碑仆為三截王僅得其上
截也今所得拓本三截具全字雖磨滅過半然每行字數約
略可計文義尚有鉤貫之處計竭浚旬之力為之排比繕錄
雖勞殊不覺苦也

十六日錄不空和尚碑碑側有大中八年四月十五日再立一
行粹編未著錄

十七日校張琮碑是舊拓本首行龍興約變王已脫約變二字
琮唐史無傳而盧召弓以為有傳其中隸字諸家皆云改木
从弓為彎今審碑文實作彎从弓又錄空寂寺大□和上碑
安國寺沙門惟嵩書畢中丞記嵩誤作嵩

二十日校同州聖教序碑陰題名萃編脫二則錄後

河朔鄭彥文貳左馮翊河東喬逢辰被檄而來暇日遊陝右

徐孝惠同觀褚河南所書聖教序大定甲申夏六月既望題

正書四行
十二字左行

關山權綱並弟維繹隨父奉直貳政于此有褚公所書之碑

朝夕得以觀焉皆泰和丁卯重九日誌

正書五行
九字

二十一日校法門寺塔廟記其篆額曰大唐秦王再修真身塔
寺之碑萃編所闕又讀觀古閣續叢稿有唐泥造像拓冊跋
一首余亦得其拓本因錄於後以備考

唐善業塋造像前人未經著錄道光己亥劉燕庭文游慈恩
寺始於雁塔下拾得或全或闕大小凡八具全者一面一佛
坐蓮臺二尊者侍下或蹲二獸蔭以婆羅樹一面則大唐善
業塋塋得真如妙色身三行十二字陽文遒勁類敬客書說
為奇觀作長律記之余亦為題數絕句越數十稔為福寺老

僧桂真為余作緣亦於禮王村之真性寺乞得一貝蓋其大者上二層後有小佛七均坐蓮臺文則並同其字畫如出一模六朝以來銅石造象有紀年者不知凡幾率皆陰文而沈質陽文惟此為最纖乃千二百餘年迄不傳非遇好古留意如燕庭則是家終晦今燕庭逝且廿載披是冊猶恍然當日裁箋蘸墨考證稱快時也

二十二日劉燕庭所得善業泥造家觀古閣復有絕句五首云
偶過招提便得緣茲游真箇勝前賢
諸歐妙翰吳生畫都倩區區寸覺傳
集古何人號不刊紛紛著錄競詞壇
多因未結巾瓶契法象空嗟一見難
拓本裝成鄭重開新題字字抵瓊瑰
清詩吟就先呈佛莫笑疊千饒舌來
我亦城南步後塵欲搜奇蹟恨無因
松花滿地蒼苔冷不見真如妙色身

梵宮難得軍官臨付託應如古佛心此去祝公恢善業灑
將法雨作商霖

中丞自澳門歸未歸之先總署有一電云葡使來言撫台帶
兵艦五艘突至澳門葡國官民大為驚駭請即速歸云云省
中亦有訛言葡人不聽中丞勸界換以開礮實則中丞勸界
既畢將將其花園親軍六十人擊洋鎗從粵民從其後者幾
二三千人葡人大恐列隊攔中丞輿請止從者而後入中丞
亦即罷游聞中丞見澳官高某諭其讓所佔地澳官云此事
有國王及駐京公使辦理非余所能為政看來此事頗棘手
也

二十五日操殺自悼身世謂似佛家所云刀頭銍蜜余為轉一
語曰風磨銅也

二十六日請觀古閣藏稿題泉冊云沈韵初舍人收藏書畫碑
版甲於都下中年遽逝其太夫人慟之即取所藏悉焚之人
間精本幾絕噫此老為人所咤矣沈氏物固在當時拉雜摧
燒者非兔園冊子即會計簿耳前年趙撫叔歿亦即聞人言
云所藏秘帙盡為盜劫鄭僉為之嗟數而不知亦沈故智也
二十八日閱山左金石志近來齊魯間出土古刻時有所聞若
有好事者續為著錄亦不朽盛業也

二十九日得西齋書云憲齋中丞所得莽印文曰辟邪射魃憲
齋據魃為鬼服之訓引莽傳杜陵便殿乘輿虎文衣廢藏室
匣中者出自樹立外堂上謂莽作此獸之西齋作考一首略
云史游急就篇辟邪射魃除不祥顏注謂皆神獸名射魃又
為大剛卯名蓋莽惡赤伏卯金之識廢剛卯或以此代之漢

制本有此物或莽易其制然非莽自作之語也又云許熙載碑非趙松雪書又云有甯波人藏石甚多設肆於蘇造象二千餘種墓志二百餘種經幢百餘種其經幢可以代購聞之怦怦心動

八月

初三日校周公祠靈泉記

初四日為鳳石購新書中有國朝詩人徵略粵人張維屏所輯略檢一過所采摭僅滿楊山房聽松廬詩話殊嫌未廣人為摘句圖亦覺無謂

初六日錄三原縣重修廟學記元至正癸巳安夢齡撰鄉貢進士唐茂書在三原縣學

十一日建霞書來云操殺故後百物蕩析有至好某專心注力

覓其遺物且百計減其值果有此事真堪腹痛但細思不得其人也又云張塘橋蔡氏主人身故遺書盡出陸潤齋得其上乘姚念慈次之西彞翼甫得其一鱗片爪叔朋則終日泉與書交戰一事未成也

十二日從韓丈偕郎潛紀聞一閱藪人陳鈞堂所著也中多怨誹之語被劾去官非不幸也

十三日尹伯園來察其學問志趣不過如吾鄉徐翰卿之流余初從建霞聞其名甚慕之而所見乃不逮所聞校邠國公功德銘粹編頗有誤字

十四日校楚全禪師碑白道生碑白碑舊在咸寧縣唐陶山時已為人移至西安府學萃編云在正定府誤矣夜閱孫元理元音微波榭舊抄本前有傳錄王蓮涇跋云康熙歲辛卯是

書借抄於竹垞朱先輩家中多脫訛不可成誦每一檢讀輒
怏怏不樂歲辛丑初秋偶得洞庭山石君葉先生錄本遂力
疾讎校補寫闕葉于溽暑中日揮汗三斗弗顧也四閱月校
畢雖不敢信為善本然謬誤刪十之八九矣惜鈔書人字畫
潦草率略異日別得舊書友再錄一過寧不快甚閏六月二
十又九日蓮涇學人識于四美軒之西窗時患痢未愈也
十五日此間風俗中秋節亦爆竹聲喧孤兒聞之益增怛怛午
後從同人借山右金石錄一閱著錄寥寥余所知唐宋經幢
皆不在所列其簡略可知已高郵夏寶晉玉延撰前有歸安
凌子與序

十六日劉懿墓志道光初年出於忻州焦解元丙照徒藏其家
今則為太谷溫氏所得又北齊李清報德家碑在平定州東

三十餘里石門口長國寺前巖上曹恪碑在安邑縣皆見山
右金石錄

十七日致中丞書繳拓本五十餘種閱寒山志云友人張孟儒
歸我支公故雲盤石芙蓉三片蓋山中舊物因劉他山之石
倩燕山仁公大梵書尾若陀羅磨勒成塔樹之鈞灘旋以唐
三藏法天譯文釋於其下願上供兩足下報二人曩年地師
欽敬勇爲余言寒山有經幢當即凡夫所樹金石家著錄皆
斷自元為止余以經幢皆宋唐物元不多觀明人所建者絕
無僅有故破格收之在燕僅得正統一幢他時若拓得此石
又可增一種矣

十八日得中丞書薄暮又送來拓本二十五種以北周郭雙歡
等造象記比丘僧緒造象記隋賀若誼碑見遺得家岳函以

僕為戀棧促即整歸裝其命意余亦知之但余之失在輕於
一出既出之後在操獲病歸時不與偕行又一大錯若至此
時而不告徑別則後人以口實於比匪之傷仍不能滿洗萬
一不兩頭失據乎總之讀書三十年於義利兩字全無分別
為人牽挽一至於此愧何如矣

二十日得建霞書以經幢二種見貽啟函視之其一為岱嶽題
名碑之側非經幢也其一趙州景祐幢不全本余藏有全拓
但此本拓在百年前神采奕奕余舊藏本所不逮耳建霞云
其書可匹眉山更上則馬鳴寺根法師碑也可謂知言夜聞
張子湖集徵波榭抄本後有孔氏跋云十九日甲寅同德州
梁明經志尚肅鴻徽州程吏曹魚門晉芳益都李司馬素伯
文藻濟南周編修林汲永年海鹽陳上舍竹厂以網大興翁

學使振三方綱湖州丁孝廉小山錦鴻飲于米市胡同歸校
終卷曲阜補孟孔繼涵記首冊目後亦有題字云抄自浙江
巡撫三寶進璜川吳氏藏本

二十一日讀于湖集有酬朱元晦一律云海內朱公子端能為
我來譚諧妙令古懽喜到輿臺以此觀之則考亭之學固不
似伊川之不近人情矣又同胡邦衡夜直云夢了瓊崖身蓋
壯煙銷金塢臭空傳上句指邦衡南竄下句則謂秦相也其
時氷山頽矣

二十二日于湖集第七卷後孔氏又跋云四月十七日壬子翁
覃溪學使方綱邀同拓法源寺金明昌二年碑李南潤文藻
在馮孝廉魚山敏昌廣東人許亦來觀偕啜茶於僧寮聽談潭柘
界臺之勝晚飲於青棠書屋觀閱編修傳大所藏明甲申十

同年圖卷子同飲客曹慕堂太僕學閔維揚程吏部魚門晉
芳山西宋芝山孫鴻廣東趙明經渭川璜山陰朱蘭圖十同
年者南京戶部尚書公安王用敬獻時年六十五吏部侍郎
泌陽焦孟陽芳時年六十九禮部右侍郎祭酒黃巖謝鳴治
鐸時年六十九工部尚書郴州曹克明鑑時年七十刑部尚
書烏程閔朝瑛珪時年七十四工部侍郎秦和張時達達時
年七十二左都御史浮梁戴廷珍珮時年六十七戶部侍郎
益都陳康夫清時年六十六兵部尚書華容劉時雍大夏時
年六十八謹身殿大學士長沙李賓之東陽時年五十七繪
圖時宏治十六年癸亥也其次以圖中前後書之十同年八
人有傳明史中亦極盛矣不獨朝多君子人皆耆壽也翌日
校終卷因記之孔繼涌 第六卷後又一則云乾隆丁酉四

月十四日校程魚門晉芳方運判次軀受囑任領從基義蔡梓南履元來前一日李素伯文藻貽先孝寺南漢兩鐵塔拓文黃九小松易寄觀錢宏徽金塗塔瓦拓本魏景初帳構銅拓本把玩周復殊快也

二十三日于湖諱說有云故相名檜謂膾魚生又有郎名說而自諱月使其諱候月則曰汝往視天大星出告我此皆足資談劇又跋道德經碑云荊州開元觀祥符八年更為天慶觀紹興五年遷觀楚鎮門之東舊觀廢乾道五年春某與客過馬屋後草中小碑即初建天慶觀記去草見碑跌隱隱有字洗刮久之可讀蓋唐明皇所注道德經是時詔天下道觀皆立經幢因火中折天慶之役官吏督促妄道士不暇他求石即取折幢穴其腹植碑焉經文行草注楷法行間茂密唐經

生固多善書然此或非經生所能辦也既還碑天慶發地出
跌合八方得三千餘字剝缺斷續益奇古百夫輦致文公堂
下歷陽張某識据此跋知唐元宗時所建道德經幢不知凡
幾今陀羅尼幢徧天下而道德經僅存易州一幢聞高郵夏
氏亦藏一幢其外無聞焉豈老氏之教果不敵釋家耶

二十四日讀陸子方牆東類稿微波掬舊藏本子方江陰人亦
亡隱居不仕史稱元延祐設科有司強之就試一再中鄉舉
是未能終首陽之節矣今觀集中有謝節善之僉事取中鄉
試第二名啟又屢謝友人賀啟不能不以晚達為榮見知為
感垂暮鹽駒遭逢滄海之變猶不免仰首一鳴文人結習可
悲可歎

二十五日觀尹慈經所撰諸城金石志尹君名彭壽伯園之尊

人也其自序云阮文達山左金石志最稱繁富厥後官吾東者南通州馮氏雲鵬有濟南金石志徐氏宗幹有濟甯州金石志詳及一郡益復精密其專志一隅者則肥城聶氏鉞有泰山金石志吾郡段氏松苓有益都金石記草橋粗定流傳絕少若胡氏書巢之志歷城金石吳氏香岫之志商邱金石沈氏台簪之志臨邑金石僅見別書稱舉或屬邑志一門其書未刻其人亦未諗也保山吳明府樹聲官沂水時有沂水碑錄詳于石墨不及金文曾見寫本

二十六日諸城金石志不暇錄副寫其目於後
金目

商父癸尊

商魚父癸鼎藏邑人王緒祖家

周魯公鼎 咸豐三年出土歸鍾戶部淦家

周邠王子戈 王緒祖藏

漢韓侯弩機

咸豐十年出於城北五十里巴山北澗水西岸古縣村農夫耕田得之今藏彭壽家

漢平昌侯相印

出城西北四十里城陽村今歸彭壽

漢石洛侯印

城南連茹莊女子掘菜得之後歸邑人李孝廉

漢四神鑑

光緒元年春農人掘土得之今藏彭壽家

漢長毋相忘鏡

光緒辛巳秋出東武故城東古塚牧豎得之今藏古幾李氏

金銅鐘

大定十三年十二月十七日密州僧正司鑄在縣署前雙門之上

石目

秦始皇琅瑯臺刻石

秦二世詔書刻石 在臺上西偏

漢朱博殘石

光緒元年出自東武故城尹彭壽訪得之藏於家

漢延光殘碑

延光四年六月廿一日庚戌於內堂東垣構小亭護之

如縣宮懸讓藏

漢半兩錢石甃

出城南三里小毛村北渭水西岸同治甲子諸星源贈彭壽

漢五銖錢泥塗

李方伯若汀故物歸王緒祖

漢小泉傳形泥塗

城南門外土人掘出破為三段僅存一角尚有全形十五泉殘形五泉藏王緒祖家

魏元家造家石柱題字

西門外修龍興寺掘土得之歸李孝康垣今歸王緒祖家石凡六面三層

齊佛座石刻

承光元年正月十五日佛弟子張思文敬造家主李通和供養乾隆五十六年出東武古城麓

祠中歸李孝康仁燿

齊佛座殘石

武平三年五月廿四日傅曉傳聖頭姊妹二人遠原藏城內李氏同治壬申春又歸王緒祖

周車騎將軍時瑜墓誌

宣政元年歲次降樓十二月神祐朔九日光緒七年春大水城西二十

里古寨鄉城東渭水東岸原有古冢河裡水衝塌而出計十九行共二百七十八字藏彭壽家今贈王達生編修

北朝造像題名殘石

共七枚一為武定七年南存五字一為陳伏南存三人各一為賈暉嚴安王寶

一為唯那趙匡胤光呂天呂龍尹伯如龔同一為王煥任
神叔妻雙德劉叔老李鳳一為韓元孟煥胡毋冰孫珍王
寅尚書及王康生編修
一為夏侯豐洛孫相彭壽得之東武城野人今分贈潘伯

宋聖壽寺塔記 天聖七年 在白龍山寺前

重修常山神祠記 吳奎撰宣祐四年八月二十日 碑亡

東嶽天舜仁聖帝碑 在相州集東 至和元年

密州常山雲泉記 碑亡 至元十九年劉澄堂建在常山祠

超然臺記 集賢行書勒石凡三易矣 熙五十八年知縣羅廷輝

超然臺三大字石刻 久亡

蘇轍超然臺賦 元大德四年與魯王輝重刻

蓋公堂記 熙寧九年蘇軾撰 久亡明萬曆二十七年知縣

九仙山題名石刻

王存題字 在九仙山雲宮殿之東

喬禹功等題名石刻

蘇子瞻書

明萬曆十九年知縣翁嘉

大觀聖作之碑在大成殿前

常山寺大觀殘碑

在祠門外

宮苑副使趙公墓志銘

王瑞村東北乾隆六年出土邨民權

鑿無字今移置趙墓臺

廬山洞壁題名

至和元年

宣和三年

前密州節度使吳太尉神道碑

存額十二字在馬耳山東麓

壽聖禪院部牒碑

書在城北六十里李丈集東洪福寺殿西正

全密州修學碑正隆三年高密令王堪撰在太廟

障日山香林谷題名

貞祐元年九月

元明以下及瓦當文未錄

九月

初九日閱好古堂書畫記云孫過庭書譜以淳熙榻為最精又

云宋本懷仁聖教序以首行晉字不斷為驗歐陽信本醴泉
銘以光武光字補鑿痕為驗後來搨久補鑿痕隱矣顏平原
爭坐位橐以輒有州對四字清楚者為驗智永千字文以後
有怪方網摹四字為驗予得一本又有李壽永壽明刊六行
此則生平僅見正如學問之理無窮愈求則其精者愈出耳
初三日閱勾延慶錦里書舊傳朱梁饋王建有新羅人參十斤
其即今之高麗紅參乎

初四日夜讀陳基夷白齋集三十五卷外集一卷微波榭鈔本
初五日此間有幹吏曰徐君魯陞者有不自慊齋集余聞其名
而未見也頃從韓文處讀其文真強項令宜國人皆欲殺也
偶閱天祿琳琅明刻南唐書有譚應微公度藏印按錢東澗
真誥跋云里中有二譚生長應明字公亮次應微字公度此

本則公度所藏也公度統袴兒郎尤爲里中兒輩簡不知其于汗簡墨汁有少因緣云云余於藏書絕句亦列二譚一首統袴兒從此其傳矣乎余搜葺藏書人姓名約三百人自謂終隱關幽足爲羽陵宛委之功臣也

初六日仲平來暢談此老外雖和禿胸中具有陽秋言徐君賡陛操守平常其言皆虛矯之氣不可信也

初七日索居無聊午後忽得寄蛭書自石城歸矣即往訪之首詢余賣文生計此則不知余矣此間官場滔滔皆是同鄉尤不可鄉邇余是以立志不拜一客即有同鄉先施者以一刺報謝而已雖處衙齋寂若空谷若欲赴東海之濱已逐臭之餘潤則病未能矣寄蛭又言徐賡陛實廉吏與仲平言殊兩君皆不妄言而毀譽不同此知人所以難也

初八日夜讀李燾子吳門集曾官吾吳昭文令與陳雲伯潘功甫有唱酬之什

初九日偶閱天祿琳琅東澗漢書跋有云李維柱本石本甯先生之弟嘗言如得趙文敏漢書當日日焚香下拜死則以殉葬嗚呼若而人者雖不以藏書間以備一家可也

初十日夜夢與二弟長枕大被共眠愴念錫原感懷身世不禁淚之濡睫也

十六日考童經古史學有洪北江補三國志疆域志補正一題一童考極精核雖起推存先生質之亦當首肯也

十月

初九日中丞贈石印毛公鼎拓本字說大篆孝經各一冊卽亭贈甯臂碑拓本三通廉州昌符鐘拓本一通

十一日得建霞書云新得元纂圖本揚子法言

十二日觀尹伯圖所贈汶民秦瓦量拓本皆有簠齋圖記甚精
十四日仲平來談述中丞將赴南海神廟觀銅鼓拓唐宋名刻
夜學使見視小銅鼓二枚徑圍不過二尺許此物以極大極
小為難得讀張嘯山舒執室文有二熊君合傳次君純叔余
老友也以賑豫積勞歿豫人立廟祀之今鄭州決口豫災又
見告矣安得有如君者一拯斯民之墊隘乎

十五日讀舒執室雜著有張春水風雨茅堂彙序云士窮困不
得志窮凍餓以死此為一身計可也若有父母之養妻子之
累即不能不衣食於奔走然挾其技以游四方求升斗之助
不可必得也而尤悔隨之又云夫阿私所好而失其實者非
也浮薄不諒輒相訾警者亦非也窮凍餓以死者非為名高

也衣食於奔走者非以為隴斷也蓋皆有所不得已而就其心之所安嗚呼此言也普天下依人者聞之當同聲一哭為韓文跋題尊拓本

十六日在蒲生處見西湖游覽志明田汝成撰尚是嘉靖間刊本今不易得矣有錢孝修藏書襄古堂二印

十七日羊辛楣來談約游端州七星巖以輪船往三日可歸又云陳仲魚士鄉堂集六卷新刻竣又輯其遺文為續集二卷其所著續唐書以南唐為正統自序一篇刻本皆缺其尾又云拜經樓遺書皆已星散午後尹伯園來云陳壽卿家藏器拓本數千種合售一百七十金裝一篋毛公鼎及秦瓦量尚不在內也

十八日購王震澤集一部值一金

二十日至歸德門外購拓本得經幢一通元和六年二月四日
建衛洵撰讚在長安縣萃編所著錄者也

二十二日撰唐紀王慎造無量壽佛經跋學使所藏本也從交
民處見姚復莊集駢文優於王仲瞿詩不如厲樊榭又閱廣
報有日本隨員姚君棟上總署稟請移書足利學借抄古本
皇侃論語疏據云日本山井鼎所校根遼敏所刻皆取原本
刪改全失廬山真面鮑氏知不足齋所刊即出根刻中國經
生奉為枕秘而不知為所欺也

二十四日學使出示佛說觀無量壽佛經唐上元元年七月紀
王慎所造為作一跋趙為叔著錄七月誤作十月此石在今
直隸邢臺縣而趙亦未著其所出夜中丞招飲同幕往者十
人中丞出示周秦漢玉印二十餘甚精一印李媿二字陰文

土鏽剝蝕照之作深碧色表裡瑩徹真奇物也又泥封五六
十陰陽文皆備有會稽太守會稽大尹嚴道橋園嚴道橋丞
諸章餘不及記據云陳璽齋藏有五六百章從古所未有也
又云歛石印古鉢文並示論鉢二十四則

二十五日式古齋送古泉來可采者有六化五行大布直百五
銖三枚最古其餘如永通萬國宋之紹定嘉定背有四字金
之大定背有申字亦尚不數見又有厭勝錢十餘枚購衍石
齋記事稿一部

二十六日學使出棚仍屬余留守夜闌備倭日記明采九德撰
不過沿海杆民勾引數十倭夷登岸剽掠而當時將弁非望
風奔避即束手被戕何其憊也

二十七日訪羊辛楣略談辛楣言今之名臣皆善於防君子而

不善於防小人旨哉斯言

二十八日夜詩衍石齋記事稿警石雖為弟也中有致警石書情至而文明曾文正謂二石家書天下之至文也有旨哉二十九日讀衍石齋稿跋董用晦楹帖云方茶山孫淵如兩先生與用晦游有市書者陶市印吳市硯唐雖賈皆長者皆七八十歲淵翁為之作三老傳者也用晦往往在此三人舍中談笑閱視日暮忘返陶必陶五柳也身後淵翁為作誌銘

十一月

初三日夜讀幸存錄直不幸存也君子小人若冰炭若鑿枘豈有調停之術哉余今殆不得廁君子之林矣

初五日校楊孟文頌首行革編闕九字而拓本皆全換往卓今革編揆誤煥又檢嘉趣堂書目吳下陸謬其清所藏王阮亭

朱竹垞所謂吳門陸醫士也明人如蔡林屋王雅宜彭隆池邢麗文諸集皆存今不過二百卒而桑梓藏書家已絕無其書可為於悵

初六日謁中丞見陳新羅真興王定界碑此碑在朝鮮咸興道中嶺鎮縣拓本極難得又携歸常醜奴墓志一冊舊為冬心先生藏本乾隆中歸江秋史有諸七裏跋云此冊吾友購之吾鄉曹司農後人花山所齎馬氏富於金石獨未得此以為憾敕物山人以書不大佳僅以隋物存之今觀瘦硬通神其在李唐間竇虞伯施褚登善之先聲也趙子之言過矣嘻可寶哉錦跋後有諸錦之印又陳章持衣跋云隋碑存世無幾此搨指墨精妙筆畫絕無六朝乖異之習真樂奏中和平之音也好友冬心先生最為寶守出觀於前江後山書堂越日

復偕舉一通歸之錢唐陳章又楊知跋云康熙庚子秋九月
望日借閱於石屋山中決旬持還殊惘惘也楊知記下有誨
仲方印又程鳴跋云康熙庚子十月既生霸同壽門先生點
燭夜話鑒江別業出示隋常璉奴碑因汲慧日泉烹綠昌明
賞之歛程鳴後有程鳴連珠印又題字一云丁和珣於前江
後山書堂一云江都高翔拜觀於樹隱樓一云庚子仲冬末
景獲觀一云庚子十二月朔日觀世狂記一云壬寅春正月
還瀟方超然觀一云辛丑清明築水司馬莊生觀於謝氏蟬
巢下有程式莊白文方印一云時壬寅秋日同江汶川觀蔡
嘉一云拔江觀於面壁小閣下鈴汪壘聯珠印一云辛丑二
月謝連王重觀一云白岳程泰南徐許濱同觀於邗上醉茶
軒歲在重光亦奮若寒食後三日以上題識皆在後幅其前

有徐壇長題字云跋江齊獲觀癸卯九月用錫記後鈐徐用錫朱文方印又一行云雍正丙午臘月初二日獲觀吳寧謬記又雍正甲辰二月十二日查浦獲觀下有晚姓朱文長方印此為查查浦也又云甲辰閏四月廿六日渡江時觀恭貽年八十二又毗陵顧東節拜題又蕪城戴恕觀又江秋史題云乾隆戊申十月從汪氏購得德量記又翁蘇齋跋云昔見吳門陸謹庭所藏舊拓本字字完好嘗手摹一通是碑所稱明帝即西魏孝武帝也因與門人謝蘊山言魏澹之書既亡宜別撰西魏書蘊山深有志於此又佐以桐城胡維君之跋洽己撰序錄一卷而其書至今未成蓋甚矣取材之難也因為秋史跋此本而及之庚戌冬十一月十日北平翁方綱又云顧亭林謂此碑內數字是數字者非也蓋誤看懋字耳葉

是葉字亦見魏孝文帝比干碑方綱識更前又有一行云嘉慶庚午中夏又史獲於敗麓中下鈐濟陽仲子方印疑是秋史後人也又題籤下注云此籤冬心先生早年書德大移入冊內有子有朱文長方印冊中又有金氏冬心齋印長方朱記程茂朱文方印曹溶之印朱文方印徐問渠珍賞印朱文方印項源私印漢泉二方印項芝房所藏金石文字印朱文長方印德大審定方印又借歸陳伯潛京卿家所藏唐石拓本五通中丞又見贈岐山鳳泉寺舍利塔下銘亦隋刻也初七日陳伯潛所藏唐石一為張安生墓志一為賢力毗伽公主阿邨氏墓志一為李仁德墓志一為裴承章墓志一為折府君夫人曹氏墓志午後自錄常醜奴墓志一通醜奴仕隋為樊澤縣令樊字碑已作樊則誤從水久矣

初八日請復初齋集

初九日移硯至最後五楹其地闌靜且與九曜齋鄰便於瞻眺
十二日至式古齋見馬湘蘭畫蘭石有額橫波題絕句卞玉京
印又墨井道人山水皆贗品也仇實父白描佛像上方任餘
福寫無量壽佛經一卷小楷絕精審是畫為臨本而寫經則
真迹也

十六日羊卓楮太守來約游先孝寺同游者尚有吳子修同年
沈子封太史海昌鍾式承及陶仲平觀晉太康造象唐寶曆
經幢南漢二鐵塔六祖髮塔菩提訶子二樹宋淳熙元秦定
修六祖殿碑闌寺中藏貫休畫羅漢問之寺僧秘不肯出以
明誥教二軸見示一為正統八年寺僧捐穀二千石賑飢賜
教獎勵一為十年頒藏經教藏經度睡佛樓共四扇已殘闕

矣然人間北藏不易得猶可寶也風幡堂面水池荷已謝僅有枯枝敗葉蕭緘水面而已虞仲翔祠在風幡堂之北中有桂岭先生楹聯裝池已褫落徘徊至暮同至辛楣寓夜飯席間子封談目錄之學甚熟詢之知為韓小亭先生之甥子佩部曹之弟萬隱西姦小珊仲頤皆其至契也子封談稼遠伯有宋撫州本公羊單行本魏志又在廠肆見明刻八行本周禮注疏皆人間稀觀之祕笈

十七日署中市玉其賈愿者也與之言作而吁曰今非昔比矣自瑞中堂督粵時苞苴盛行業此者利市三倍今自督撫以下皆不收禮雖有珠璣翡翠翠安所用之今安得有瑞中堂哉言此若甚戚者余聞業伽楠者柯紹基亦為瑞中堂而設今亦閉歇矣口碑鑿鑿亮非無因今貧人之骨已朽囊橐則依

然也鄭京卿之說若行則度足快人心耳

十八日同鄉貢增者為余言有人持古銅器到粵欲以善價售於官場以為饋中丞之物既至因不收禮無顧而問者不得已浼人言之中丞許以五十金不顧幣也午後至四牌樓骨董鋪間玩無可悅目又至桂香街携歸尺頁一本中有陳北溟沈塢士詩沈書余所見至多筆跡殊不似未可信也

十九日得銅井長安書並寄來吳道子先聖冢拓本顏平原金天王寺題名又經幢十種萬里遠貺故人之意良可感也經幢一為于惟則造一為元政造一在湘子廟一在花塔寺一在洪福寺一在開福寺一在香城寺一剝落無年月可辨亦不知其地一在卧龍寺小指最精一幢土人呼為馬騰空緝庭謂即馬頭之惟淨幢不知確否也

二十一日鄭翰臣來屬覓寶積寺經幢

二十二日至廣府前骨董鋪間玩韓文購古銅佛一龕六朝制作也使在秦中必刻其背矣

二十三日閱廣東通志金石略知羅浮寶積寺經幢對面尚有一石塔周圍刻經亦南漢時物又東莞資福寺有鎮象塔刻陀羅尼經

二十四日同年吳子修來談龔念匏歿後其子不克繼纂喪定庵先生遺稿尚有存者恐終蕩為烟埃耳為之慨歎又言粵匪之劫西湖宋元石刻半多燬佚購得學經室全集一部值一兩二錢有奇

二十五日午後答拜吳子修略談其居停主人汪仲虞振綺宗人幕於粵能鑒藏又言雙山寺藏澹歸自書詩琴寺僧許出

售但值昂耳

二十七日錄隋惠雲法師墓志其標題云大隋大尉晉王慧日道場故惠雲法師墓下無誌銘字亦創例也

二十八日錄鉗耳徽明造像周天和三年造時大冢宰晉公宇文護專政文云皇帝聖祚長延八表歸德大冢宰保國竇民福流萬世又禮平國造象在天和元年亦云帝祚天長公佐地父公亦宇文護也當時權臣竊柄臣民至與君上並尊是有二日矣其不旋踵而被誅也宜哉偶閱漢人畫象六朝造像及古瓦當鏡洗人物鳥獸皆具像有畫家能專此一派亦足以別樹一幟也

十二月

初三日游五仙觀中有樓如女塼空其中若闌闌上懸巨鐘左

偏三元殿前有池廣約二丈許中皆磐石其窪陷處相傳為仙人拇跡又觀洪武建廟碑天啟崇禎時鑄鐘

初十日至府學東街閱肆見新刻望堂金石一部摹鑲頗精論價未諧購蘇靈芝道德經幢拓本

十二日至撫署中丞見示新得一簋一敦一鼎一爵一敦蓋又舊藏玉敦膚理精瑩製作精妙通體無纖毫破損真奇物也二十一日建霞自蘇州來見示關史抄本有趙輯甯印素門古歡書屋搗藻堂藏書印平陽季子收藏圖書五朱記蓋由小山堂而入汪氏也又抄本元城語錄一冊每卷有錢謙益印及家在虞山之麓尚湖之濱號漁樵子大方印又抄本馬臺詩案前有士禮居藏印後有吳枚庵跋云右宋蜀人明九萬著蓋錄東坡下御史獄大案附以初舉發章疏及謫官後表

章書啟詩詞馬氏通考作十三卷疑是三卷之誤今藏弄家已無完本查初白從妻東吳西齋借抄僅有公案章疏而謫官後所錄闕焉乾隆甲午歲除傳青芝山堂所藏花山馬氏本蓋即從吳本出也延陵生吳翊鳳書於奇懷堂

二十二日建霞述在滬上晤凌霞子與藏舊抄本甚多又在醉六堂書肆見勞季言手校本昨黃昏徐翰卿來述中丞得古陶甚多柴哥官汝無不備矣

二十三日訪沈子封以抄本竹垞金金石目六冊見示郎亭所藏祇有一冊頗疑此書為好事者摭訪碑錄賡作以炫淺人子封云在都中見慎獨齋刻千金方亦三十卷又言此間林君國賡國贊皆好學彊記海幢寺有僧曰蓮西能詩精鑒藏二十四日至賢藏街宜古齋見竄波阿育王寺碑拓本未能得

又見仇十洲畫

二十五日至撫署見中丞案牘之旁羅列者皆古瓷也中丞指示此哥此官此汝此定又出二杯曰此柴窯也未學管見所不敢知唯唯而已

二十八日至大新街閱肆在文林閣見經幢拓本數種甚精市賈居奇稍與諧直即出惡聲竟不能得歸後悵恍無已至形夢寐

二十九日出南門買小舟至新興街上岸游十八甫骨董肆左右羅列搜閱至暮一無所得

三十日客邸鬱伊取梅邨詩集讀之以銷壘塊詠古詩云入山山易淺飲水水不清一身累妻子動足皆荊榛梅邨苦衷洞然如見主持清議者亦可以諒之矣

緣督廬日記抄卷四

女夫王立勛謹繕印

邑後學潘承璠謹校

緣督廬日記抄第四冊校勘表

葉次	行次	格次	誤	正	葉次	行次	格次	誤	正
六	十	四	王	主	五十七	二十一	九	卿	卿
七	八	二十一	云	又	又	二十四	五	卿	卿
十	五之左	六	有	剩	六十二	二	六	後	復
十二	四	十五首	(脫十四字)	<small>明詩歸孫治仁 縣學署有宋唐集</small>	六十四	十五	二十三	月	日
十五	十五首	十一	海	歸	六十八	九之左	十一	幾	城
三十五	十七	四	(空格)	晨	七十八	右	十九	太	大
四十一	十二	十八	凡	瓦	又	十二	二	九	二
四十三	七	十五	書	堂	七十二	三	二十三	名	石
四十七	二十四	十五	孺	孺					
五十三	二十三	四	隨俄	俄隨					